

Eksodus

LAU ISRAEL SÊWI AIGUPTU SINŃ NAMIŃ NABUKU

Ńaê Eksodus Ńam gebe Sêwi sinŃ. SêjaliŃ Ńaê tau sa gebe ŃamiŃ samob kepeŃ IsraelnêŃ miŃ towae kapôêŃanô tageŃ gebe sêwi gamêŃ AiguptuŃa sinŃ, taŃ kêkôniŃ êsêac tôŃ têtú lau gêŃôma sêŃgôŃ naŃ.

Buku tau ŃamiŃ gêwa tau kêkôc gêja Ńasêbu têlêac.

1. Môkêlatu 1-18 Anôtô kêgaboac lau Ebolai su aŃga koleŃ gêŃômaŃa ma gêwê êsêac jasêô lasê Lôc Sinai.
2. Môkêlatu 19-24 Anôtô kêmoatiŃ nê poac gêdêŃ lau Israel kêkêŃ biŃsu to ŃagôliŃ gêdêŃ êsêac gebe sêsa nêŃ lêŃ to sênam gôliŃ taunŃ ma sêlic nêŃ-om sêso biŃ tau ŃalabugeŃ.
3. Môkêlatu 25-40 Lau Israel sêkwê nêŃ gamêŃ sênam sakiŃ AnôtôŃa teŃ sa ma sêjac Lômbec ŃagêŃlêlôm sakiŃŃa sa, go biŃsu Ńagêdô gêdêŃ dabuŃwaga sejob ma gêdêŃ lau Israel sêlic Anôtônê om êtôm sakiŃ dabuŃ.

Mago miŃ Ńanô tau, taŃ buku tonec gêwa sa naŃ, tonec gebe Anôtô kêgaboac nê lau su aŃga sakiŃ gêŃômaŃa ma gêbiŃ êsêac tôŃ têtú lau-m teŃ, taŃ sêkêŃ mateŃ têm to lêŃ nêŃŃa totêntac kêpa sugenŃ naŃ.

Ńamalac taŃ nê miŃ gêjam sêga aŃga buku tau naŃ Mose. Ńac tau taŃ Anôtô kêjaliŃ eŃ sa gebe êwê nê lau sêwi Aiguptu sinŃ naŃ. Mose kêtú Ńamalac tapaôŃgeŃ nêŃ Ńac towae kapôêŃ teŃ.

Buku tau nabin, tañ lau gamêñ-gamêñ samob sêñô ñawae su nan, Binసు Lemenlu, tañ sêpuc gêc mókêlatu 20 nan.

Gêñwapac, tañ kêtap lau Israel sa anga Aiguptu nan

¹ Israel latui, tañ sêja Aiguptu sêwiñ Jakob nan, nêñ ñaê tonec. Êsêac samob sêja tonêñ gôlôacgeñ. ² Ruben agêc Simeon ma Lewi agêc Juda, ³ ma Isakar agêc Sebulon ma Benjamin, ⁴ ac to Dan agêc Naptali ma Gad agêc Aser. ⁵ (Jakobnê gôlôac samob sêpi tageñ lau 70.) Josep tau gêmoa Aiguptu kwananğeñ. ⁶ Sêmoa acgom, go Josep tau to nê lasitêwai ma nêñ gôlôac samob sêmac êndu. ⁷ Mago lau Israel nêñ wakuc sêka gôlôac lasê e têtü taêsam ñanô. Êsêac ñalêlêma atom, sesewec toñaclaigeñ e sêjam gamêñ tau auc.

⁸ Gêdêñ tonan kın wakuc mênkêsa anga Aiguptu. Nac tau gêjam kauc Josep. ⁹ Eñ kêsôm gêdêñ nê lau gebe “Alic acgom, lau Israel têtü taêsam ñanô ma sesewec toñac lai sêlêlêc aêac sugoc. ¹⁰ Ajôc, danğôm nêñ gêñ tokaucgeñ gebe têtü taêsam sêlêlêc aêac atom. Embe siñ êsa, oc moae sêwiñ aêacnêñ ñacjo ma sênac siñ êndêñ aêac e sêwi aêacnêñ gamêñ siñ ma sêc sêna.” ¹¹ Kêtu tonanña êsêac sêkêñ gejobwaga kômña gebe sêkônıñ lau Israel ña kôm ñawapac. Tec lau Israel sêkwê malac Piton to Rameses sa. Malac luagêc tonan kêtü Paraonê malac ênac kôm ñanô saña. ¹² Lau Aiguptu sêkônıñ lau Israel tônia ñanôgeñ, mago êsêac têtü taêsam ñanô e sêjam gamêñ auc. Tec lau Aiguptu têtêc lau Israel ñanôgeñ. ¹³ Amboac tonan lau Aiguptu sêkac lau

Israel gebe sênam kôm kapoacwalôña. ¹⁴ Êsêac sejon lau Israel ña kôm ñawapacgosu. Lau Israel sêkwê andu ña poc, tañ sêmasañ ña nomku nan, to kolda ma sêjam kôm tokôm. Lau Aiguptu sêkac êsêac gebe sênam kôm samob tonañ ñai tonãoli masigen.

¹⁵ Go kin Aiguptuña kêsôm biñ gêdên lau Ebolai nêñ jaomwagao. Awê tenj nê ñaê gebe Sipra ma tenj nê ñaê Pua. ¹⁶ Enj kêsôm gebe “Amagêc embe anam Ebolainênj lauo sa êndênj têm sêkôc ñapalêña, go ajop ñapep. Awê tenj embe êkôc ñapalê ñac, nanj anac êndu. Embe êkôc awê, go andec êmoa.” ¹⁷ Mago jaomwagaoagêc têtêc Anôtô, tec sêgôm kin Aiguptuña nê biñ ñanô kêsa atom, agêc dedec ñapalê ñac sêmoa maten jali amboac tonanjen. ¹⁸ Tec kin Aiguptuña kêkalem jaomwagaoagêc ma kêsôm gêdênj êsêagêc gebe “Amagêc adec ñapalê ñac sêmoa maten jali kêtú asagenña.” ¹⁹ Jaomwagaoagêc sêsôm gêdênj Parao gebe “Ebolainênj lauo têtôm lauo Aiguptuña atom. Êsêac ôlinjalô kainj tenj. Jaomwagao sêô lasê dêdênj êsêac atomjen ma sêkôc ñapalê su.” ²⁰ Anôtô kêmoasinj jaomwagao ma lau Israel têtú taêsam ma sesewec tonaclaigenj. ²¹ Jaomwagao têtêc Anôtô, tec Anôtô kêkênj gôlôac gêdênj êsêac. ²² Go Parao kêjatu nê lau samob gebe “Ñapalê ñac samob, tañ Ebolainênj lauo sêkôc nanj, ambalinj samob sinj sêsêp bu Nil sêna, ma ñapalêogenj tec andec sêmoa.”

2

Mose têna kêkôc enj

¹ Ñac tenj anja Lewinê gôlôac gêjam awê tenj. Awê tau anja Lewinê gôlôac amboac tonanj. ² Awê tau

taê ma kêkôc ñapalê ñac tenj. Enj gêlic gebe ñapalê tau ñajam, tec kêsinj enj ôkwi kêtôm ajônj têlêac. ³Gêdênj tanj têna kêtôm gebe êsinj enj ôkwi êtiam atom nanj, enj kêkôc katapa, tanj sêmasanj ña talu nanj, ma kepenj sib, go kêkênj ñapalê tau kêsêp ma ketoc katapa tau kêkô bu Nil ñatali ñasinj ñalêlôm. ⁴Ñapalê luo kêkô ec jaêc saunjenj, gebe êlic gênj ondoc oc êtap ñapalê tau sa.

⁵Gêdênj tonanj Parao latuo mênjgêô lasê gebe êlinj bu. Ênê sakinjwagao sêsêlênj sêmoa butali. Awê tau gêlic katapa kêkô sinj ñalêlôm, go kêsakinj nê sakinjwagao tenj gebe êkôc gênj tau. ⁶Parao latuo kêkac baob sa e gêlic ñapalê tenj. Ñapalê tau kêtanj, tec taê walô enj ma kêsôm gebe “Ebolainênj ñapalê tenj tonec.” ⁷Tec ñapalê luo jakesôm gêdênj Parao latuo gebe “Amboac ondoc, aê najamôêc Ebolainênj lasulawê tenj gebe êkênj su ñapalê tau ênôm êtu aômña me masi.” ⁸Parao latuo kêsôm gêdênj enj gebe “Ônamanj.” Tec ñapalê luo gêja jagêmoêc ñapalê tau têna. ⁹Go Parao latuo kêsôm gêdênj enj gebe “Ôkôc ñapalê tonec ma ôkênj su êndênj enj êtu aêña. Aê oc jakênj ñaôli êndênj aôm êjô nêmo kôm.” Tec awê tau kêkôc ñapalê ma gêlôm enj. ¹⁰Gêdênj tanj ñapalê tau kêtuj kapôênj su nanj, têna kejonj enj gêdênj Parao latuo gêja. Ma enj kêkôc ñapalê tau su kêtuj ênê latu ma kêsôm gebe “Aê gaê enj sa anja bu,” tec gê ênê ñaê gebe Mose.

Mose gêc gêja Midian

¹¹Mose kêtuj kapôênj su ma bêc tenj enj gêja gebe êlic nê lau ma gêlic kôm ñawapac, tanj kêkôninj êsêac

tôñ nan. Ma gêlic ñac Aiguptuña tenj gêjac Ebo-
lai tenj. Enj Mosenê launêñ tenj. ¹² Mose mata
geso gamêñ e gêlic tenj gêmoa atom, tec gêjac ñac
Aiguptuña tau êndu ma kégawê ganjac ma kêsun enj.
¹³ Nâbêbêc Mose kêsa gêdêñ nê lau gêja kêtiam ma
gêlic Ebolai luagêc sêjac tauñ. Ma enj kêsôm gêdêñ
ñac, tanj gêgôm keso nan, gebe “Gôjac nêm ñac kêtú
asagenña.” ¹⁴ Mago ñac tau gêjô enj awa gebe “Asa
kêkêñ aôm kôtu aêacma gôliñwaga to mêtôcwaga. Oc
gobe ônac aê êndu amboac gôjac Aiguptu tau nan
me.” Go Mose kêtakê ma taê gêjam gebe “Biñjanô,
biñ tau ñapuc kêsa sugac.” ¹⁵ Gêdêñ tanj Parao gêñô
ñawae nan, enj gêgôm gêñlêlôm gebe ênac Mose êndu.

Mago Mose gêc Parao su jagêmoa gamêñ Mid-
ianna. Ma enj jagêñgôn bumata tenj. ¹⁶ Ma
dabuñwaga Midianna nê latuio 7 sêmoa. Êsêac
sêsa jasêkati bu jasêsêwa kêsêp suc, gebe tamenîné
domba sênôm. ¹⁷ Mago gejobwaga bôcña sêmêñ
ma têtin êsêac su. Tec Mose gêdi jagêjam êsêac
sa ma kêkêñ bu gêdêñ nêñ domba sênôm. ¹⁸ Su,
go êsêac dêdêñ tamenî Reuel sêja, ma enj kêsôm
gebe “Amboac ondoc, tec ocsalô tonec amu amêñ
ñagaôgen nec.” ¹⁹ Êsêac sêsôm gebe “Ñac Aiguptuña
tenj gêjam aêac sa anja gejobwaga bôcña ma kêkati
bu gêjô aêac su jakêkêñ gêdêñ domba sênôm.” ²⁰ Go
tamenî kêsôm gêdêñ latuio gebe “Enj gêmoa ondoc.
Adec ñac tau kêkô tônê kêtú asagenña. Amôc enj
gebe êniñ gêñ êwiñ aêacmañ.” ²¹ Mose gêlic kêtôm
gebe êmoa êwiñ Reuel, tec ñac tau kêkêñ latuo
Sipora gêdêñ Mose gêjam. ²² Awê tau kêkôc ñapalê
tenj, ma Mose kêsôm gebe “Aê katu ñaclenj gamoa
gamêñ jaba.” Tec gê ênê ñaê gebe Gerson.

²³ Njasawa baliŋ tonanŋ gêbacnê ma kiŋ Aiguptuŋa gêmâc êndu. Mago lau Israel senŋ oliŋ tauŋ kêtû nêŋ kôm ŋawapacŋa ma sêmôêc gebe Anôtô ênam êsêac sa. Ma êsêacnêŋ taŋjiboa kêtû kôm ŋawapacŋa kêpi gêdêŋ Anôtô gêja. ²⁴ Ma Anôtô kêkêŋ taŋa nêŋ oliŋ tau ma taê gêjam poac, taŋ kêmoatiŋ gêdêŋ Abraham agêc Isak ma Jakob. ²⁵ Ma Anôtô gêlic lau Israel ma kêwaka tau sa gêdêŋ êsêac.

3

Anôtô kêkalem Mose

¹ Ma Mose gejob lawa dabuŋwaga Midiannaŋa Jetro nê domba. Enŋ gêwê domba kêsa gamêŋ sawa kêsêlêŋ ec ŋêŋgeŋ e gêô lasê Anôtônê lôc Horeb. ² Ma Anôtônê aŋela geoc tau lasê gêdêŋ enŋ ŋa jawaô. Ja ŋawaô tau kêsa gamêŋdani ŋalêlôm. Mose gêlic ja kêsa gamêŋdani, mago ja geŋ gamêŋdani tau su atom. ³ Ma Mose kêsôm gebe “Aê gabe jana najalic gêŋsêga tonec. Ja geŋ gamêŋdani su atom ŋam amboac ondoc.” ⁴ Apômtau gêlic enŋ kêdabiŋ gamêŋdani gebe êlic ŋam, tec Anôtô gêmôêc gêdêŋ enŋ aŋga gamêŋdani gebe “Mose, Mose.” Ma enŋ gêjô enŋ awa gebe “Aê tec gamoa.” ⁵ Go Anôtô kêsôm gebe “Ôtu gasuc ômôêŋ atom. Ônu nêŋ atapa su aŋga amtapa gebe gamêŋ, taŋ aôm kôkô nanŋ, nom dabuŋ.” ⁶ Ma kêsôm teŋ gêwiŋ gebe “Tamamnê Anôtô aê, ma Abrahamnê Anôtô ma Isaknê Anôtô ma Jakobnê Anôtô aêgoc.” Mose gêsaj laŋôanô auc gebe kêtêc tau, gebe êlic Anôtô atom.

⁷ Go Apômtau kêsôm gebe “Aê galic ŋoc lau sêmoa jageo ŋanô aŋga Aiguptu. Aê gaŋô êsêac sêmôêc kêtû nêŋ gejobwaga kapoacwalôŋa sêlêsu êsêacŋa.

Binjanô, aê kajala êsêacnêñ nandan. ⁸ Aê kasêp gamêñ gebe janam êsêac kêsi anja lau Aiguptu lemeñ ma jawê êsêac sêwi gamêñ tonan siñ nasêpi gamêñ najam to kapôêñ teñ. Anja gamêñ tau tônê su to lêp keselen. Galoc lau Kanaan to Het ma Amor to Peres ma Hib to Jebus sêngôn gamêñ tau. ⁹ Aê ganô lau Israel nêñ tanj mankêsô aê tanjocsuñ ma galic lau Aiguptu sejon êsêac nanô. ¹⁰ Amboac tonan aê gabe jasakin aôm ôndên Parao ôna gebe ôwê ñoc lau Israel sêwi Aiguptu siñ.”

¹¹ Mago Mose kêsôm gêdên Anôtô gebe “Aê asa, tec jandên Parao jana ma jawê lau Israel sêwi Aiguptu siñ nec.” ¹² Anôtô gêjô enj awa gebe “Aê oc jawiñ aôm. Ma gabe jakêñ nabelo tonec êndên aôm gebe ôjala, gebe aê tauc tec kasakin aôm. Nabelo tau tonec gebe Êndên tanj ôwê lau sêwi Aiguptu siñ su nan, oc anam sakin Anôtô anja lôc tonec.”

¹³ Go Mose kêsôm gêdên Anôtô gebe “Embe jandên lau Israel jana ma jasôm êndên êsêac gebe ‘Tameminên Anôtô kêsakin aê tec gamêñ,’ ma êsêac embe têtû kênac aê gebe ‘Ênê ñaê amboac ondoc,’ oc jasôm amboac ondoc êndên êsêac.” ¹⁴ Go Anôtô kêsôm gêdên Mose gebe “Aêñoc ñaê gebe Aê-Gamoa-Amboac-Gamoa.” Ma Anôtô kêsôm teñ gêwiñ gebe “Ôsôm biñ tonec êndên lau Israel gebe ‘Aê-Gamoa kêsakin aê’ tec gadên amac gamêñ.” ¹⁵ Ma Anôtô kêsôm gêdên Mose gêwiñ gebe “Ôsôm êndên lau Israel gebe ‘Apômtau, amac tameminên Anôtô, Abrahamnê Anôtô ma Isaknê Anôtô ma Jakobnê Anôtô kêsakin aê gadên amac gamêñ.’ Ñaê tonec kêtû ñoc ñaê teñgeñ ma teñgeñña ma gôlôac to gôlôac wakuc samob awen ênac aê ña ñaê tonecgeñ. ¹⁶ Ôna

ma ôkalem lau Israel nêḡ laumata sa sêpi tagenḡ, go ôsôm êndêḡ êsêac gebe ‘Apômtau, amac tameminêḡ Anôtô, geoc tau lasê gêdêḡ aê. En Abraham agêc Isak ma Jakob nêḡ Anôtô. Ma enḡ kêsôm gêdêḡ aê gebe “Aê gajac amac kêsi ma galic gêḡ samob, taḡ lau Aiguptu sêgôm gêdêḡ amac naḡ. ¹⁷ Tec aê taêc gêjam kêtú tônḡ gebe jawê amac awi gêḡwapac Aiguptuḡa siḡ ma aô lasê lau Kanaan to lau Het ma Amor to Peres ma Hib to Jebus nêḡ gamêḡ. Anḡa gamêḡ tônê su to lêp keselen.” ’ ¹⁸ Lau Israel nêḡ laumata oc sêkêḡ taḡenḡ nêḡm biḡ ma sêwiḡ aôm andêḡ kiḡ Aiguptuḡa ana ma asôm êndêḡ enḡ gebe ‘Apômtau, Ebolainêḡ Anôtô, mênḡgêjam biḡgalôm gêwiḡ aêac, tec galoc atenḡ aôm gebe ôwi aêac siḡ gebe asêlêḡ bêc têlêac asa gamêḡ sawa ana ma akêḡ da êndêḡ aêacma Apômtau Anôtô.’ ¹⁹ Aê ka-jalagac gebe kiḡ Aiguptuḡa oc êwi amac siḡ atom e ḡaclai teḡ êkac enḡ acgom. ²⁰ Amboac tonanḡ aê oc jamêtôc lemoc to janac Aiguptu ḡa gêḡtalô tokainḡ-tokainḡ anḡa gamêḡ tau. Gêḡtalô tau êmbacnê acgom, go êwi amac siḡ ana. ²¹ Aê janḡgôm lau Aiguptu sêlic lau Israel ḡajam ma embe ana, go ana tolemem sawagenḡ atom. ²² Amacnêḡm lauo samob êndêḡ-êndêḡḡenḡ tetenḡ nêḡ lauo sackapoac gêdêḡ tauḡḡa to lauo, taḡ sêḡḡôn andu tagenḡ sêwiḡ tauḡ naḡ, gebe sêkêḡ gêlôn silber to goldḡa ma ḡakwê êndêḡ êsêac. Ma amac akêḡ nêḡm latômio to ḡac sêsô to sênônḡ gêḡ tau. Amboac tonanḡ ajanḡo gêḡ su anḡa lau Aiguptuḡa.”

4

¹ Go Mose gêjô enḡ awa gebe “Mago lau Israel embe sêkêḡ êwiḡ aê atom to sêkêḡ taḡenḡ

ηoc bin atom ma sêsôm êndênj aê gebe ‘Apômtau geoc tau lasê gêdênj aôm atom,’ go jaŋgôm amboac ondoc.”² Apômtau kêtû kênac enj gebe “Aôm lêmam kômêgôm asagenj.” Ma Mose gêjô enj awa gebe “Kamêgôm tôc.”³ Go Apômtau kêsôm gebe “Ômbaliŋ naênêc nom.” Ma Mose kêbaliŋ tôc jagêc nom e kêtû moac. Ma kêtakê e gênu tau su.⁴ Mago Apômtau kêsôm gêdênj Mose gebe “Ômêtôc lêmam ma ômêngôm moac ηalêŋuc.” Tec enj kêmêtôc lêma ma kêmêgôm moac tôn jakêtu tôc kêtiam kêsêp enj lêma.⁵ Ma Apômtau kêsôm gebe “Ôŋgôm amboac tonaj e sêkêŋ êwiŋ gebe Apômtau enj êsêac tamenjinêŋ Anôtô. Enj Abrahamnê Anôtô ma Isaknê Anôtô ma Jakobnê Anôtô geoc tau lasê gêdênj aôm.”

⁶ Go Apômtau kêsôm binj ηagêdô gêdênj enj gebe “Ônsêmuŋj lêmam êsô nêŋ ηakwê.” Enj kêsêmuŋj lêma kêsô ma gêdênj taŋj kêtaiŋ sa kêtiam nanj, gêlic gebe kamochôm gêjac têc lêma auc e kêtû sêp kêtôm labi.⁷ Go Apômtau kêsôm gebe “Ônsêmuŋj lêmam êmu êsô nêŋ ηakwê êtiam.” Tec Mose kêsêmuŋj lêma gêmu kêsô nê ηakwê kêtiam, Ma gêdênj taŋj kêtaiŋ sa kêtiam nanj, gêlic gebe ηajam kêsa kêtôm ôli ηagêdô.⁸ Ma Anôtô kêsôm gebe “Êsêac embe sêkêŋ êwiŋ aôm atom ma gêŋtalô ηamataŋa embe ênam êsêac ôkwi atom, go sêkêŋ êwiŋ gêŋtalô êtu luagêcŋa.⁹ Ma êsêac embe sêkêŋ êwiŋ gêŋtalô luagêc tonaj to sêkêŋ taŋenj nêŋ binj atom, go ôkati bu aŋga bu Nil ma mênôkêc êsêp nom, go bu, taŋj ôkati aŋga bu Nil nanj, oc êtu dec ênêc nom.”

¹⁰ Mago Mose kêsôm gêdênj Apômtau gebe “Oe, ηoc Apômtau, aê aoc sob atom. Gêmuŋgenj aê

gamo a amboac tonaŋ ma galoc kôsôm biŋ gêdêŋ aê, taŋ katu nê m sakiŋwaga naŋ, mago aoc sob kêsa atom amboac tonaŋeŋ. Aê kasôm biŋ malô-malô to imbeloc ŋawapac sec.” ¹¹ Go Apômtau kêsôm gêdêŋ eŋ gebe “Asa kêkêŋ ŋamalac awasuŋ. Asa kêkêŋ eŋ awamê me taŋasuŋbic me gêlic gamêŋ me matapec. Aê Apômtau kakêŋ atom me. ¹² Amboac tonaŋ ôna ma aê jawiŋ aôm to janam aôm awam sa ma jandôŋ biŋ ôsômŋa êndêŋ aôm.” ¹³ Mago Mose kêsôm gebe “O Apômtau, aê jateŋ aôm gebe ôsakiŋ lau teŋ.”

¹⁴ Go Apômtau têtac ŋandaŋ kêsa gêdêŋ Mose ma kêsôm gebe “Têwam Aron aŋga Lewinê gôlôac gêmoa atom me. Aê kajala eŋ awa sob. Ôlic acgom, eŋ gêdi kêpuc aôm tôŋtôŋ gêmêŋ. Eŋ embe êlic aôm, oc têtac ŋjam êsa ŋanô. ¹⁵ Amboac tonaŋ ônam biŋgalôm êndêŋ eŋ ma ôwa nê m biŋ sa êndêŋ eŋ gebe êsôm lasê. Ma aê gabe jawiŋ amagêc to janam amagêc aweŋ sa ma jandôŋ gêŋ ôŋgômŋa êndêŋ aôm. ¹⁶ Eŋ êjô aôm su êsôm biŋ êndêŋ lau ma êtu aôm awam. Ma eŋ êlic aôm amboac Anôtô. ¹⁷ Ma aôm ômêŋgôm tôc tonec gebe ôŋgôm gêŋtalôŋa.”

Mose gêmu gêja Aiguptu

¹⁸ Ma Mose gêmu gêdêŋ lawa Jetro gêja jakêsôm gêdêŋ eŋ gebe “Aê jateŋ aôm gebe ôlôc sa ma aê jamu jandêŋ ŋoc lau jana Aiguptu najalic êsêac sêmoa mateŋ jali me masi.” Ma Jetro kêsôm gêdêŋ Mose gebe “Ôêc tobiŋmalôgeŋ ôna.” ¹⁹ Ma Apômtau kêsôm gêdêŋ Mose aŋga Midian gebe “Ômu ôna Aiguptu gebe lau samob, taŋ sebe senseŋ aôm naŋ, sêmac êndu su.” ²⁰ Amboac tonaŋ Mose kêkôc nê

awê to latu ma kêkêñ êsêagêc sêngôn donki ten ñaô ma gêja gamêñ Aiguptuña. Ma en kêmeğôm Anôtônê tóc.

²¹ Ma Apômtau kêsôm gêdêñ Mose gebe “Ôlic acgom, aôm embe ô lasê Aiguptu, go ôngôm gêñtalô samob, tañ kakêñ ñaclai gêdêñ aôm gebe ôngômña nan, ôkô Parao lanônêmña. Mago aê oc janğôm ênê ñalêlôm ñadani êsa, gebe êwi lau siñ atom. ²² Go aôm ôsôm êndêñ Parao gebe ‘Apômtaunê biñ tau tonec gebe Ñoc latuc ñacsêga tau Israel, ²³ ma aê jasôm êndêñ aôm gebe “Ôwi latuc siñ gebe naênam sakiñ aê.” Ôlic acgom, embe ondec ma ôwi en siñ atom, go jansenj aôm latôm ñacsêga su.’ ”

²⁴ Êsêac sêsêlêñ sêmoa intêna e sêô lasê gamêñ sênêc bêcña ten. Ma Apômtau gêdac Mose anğa tônê ma kêsaê gebe ênac en êndu. ²⁵ Go Sipora kêkôc bôjanj poc ñagaôgenj ma kêsa latu utiôlic jakêmoasac Mosenê lambi ña ñaôlic tau tonan ma kêsôm gebe “Biññanô, aôm kôtu ñoc ñac-gebe-ênam-awêwaga todec.” ²⁶ Go Apômtau gêwi en siñ gêmoa mata jali. Gêdêñ tonan awê tau kêlêwiñ biñ sêsa launja gebe “Ñac-gebe-ênam-awêwaga todec.”

²⁷ Apômtau kêsôm gêdêñ Aron gebe “Ôpuc Mose têtjôtj ôsa gamêñ sawa ôna.” Tec en gêja ma gêdac Mose anğa Anôtônê lôc ma kêlêsoñ en alianô. ²⁸ Go Mose gêjac miñ biñ samob, tañ Apômtau kêsôm gêdêñ tañ kêsakiñ en nan, to gêñtalô samob, tañ Apômtau kêjatu en gebe êngômña. ²⁹ Go Mose agêc Aron sêja ma sêkalem lau Israel nêñ laumata samob sa sêpi tagenj. ³⁰ Ma Aron kêsôm biñ samob, tañ Apômtau kêsôm gêdêñ Mose nan, ma gêgôm gêñtalô lau sêlic. ³¹ Ma lau tau sêkêñ gêwiñ. Gêdêñ

tañ sêñô ñawae gebe Apômtau kêtú ñaclen lau Israel ma gêlic êsêacnêñ gêñwapac nan, êsêac sewec ma teten mec.

5

Mose agêc Aron sêkô Parao lanônêmña

¹ Tôñê su, go Mose agêc Aron dêdêñ Parao sêja ma sêsôm gebe “Apômtau, Israelnêñ Anôtô, nê bin tonec gebe ‘Ôwi ñoc lau siñ gebe sêlic nêñ om ten anga gamêñ sawa êtu tetoc aê saña.’” ² Mago Parao gêjô êsêagêc awen gebe “Apômtau tau asa, tec jakêñ tanoc en ma jawi Israel siñ. Aê gajam kauc Apômtau tonan, ma aê gadec gebe jawi Israel siñ.” ³ Go êsêagêc sêsôm gebe “Ebolainêñ Anôtô gêjam binjalôm gêwiñ aêagêc, tec aterñ aôm gebe ôwi aêac siñ. Aêac asa gamêñ sawa ana asêlêñ bêc têlêacgen ma akêñ da êndêñ Apômtau, aêacma Anôtô. Embe masi, oc êsêp êndêñ aêac êmêñ ña kole to siñ.” ⁴ Mago Parao kêsôm gêdêñ êsêagêc gebe “Mose agêc Aron, amagêc abe akôc lau su anga nêñ kôm kêtú asagenña. Aec su andêñ nêñ koleñ ana.” ⁵ Ma Parao kêsôm ten gebe “Agêc alic acgom, galoc lau tau têtú taêsam su, ma amagêc abe akô êsêac auc anga nêñ kôm ma akêñ êsêac sêlêwan taun.” ⁶ Gêdêñ bêc tonan gen Parao kêjatu lausêlêsuwaga to gejobwaga gebe ⁷ “Akêñ oba êndêñ lau amboac agôm nan, êtiam atom. Êsêac taun nasejon oba gebe sêmasan nomku têkê-têkê. ⁸ Mago nomku têkê-têkê ñanamba, tañ sêmasan kêtôm bêcgen nan, êkôgen, êtu saun atom, gebe êsêac ojomtêna, tec sêmôêc gebe ‘Ôwi aêac siñ gebe akêñ da êndêñ aêacma Anôtô.’” ⁹ Akêñ kôm ñawapac êkônin lau

tonaŋ e ênam êsêac auc ma têtap nêŋ ŋasawa sêkêŋ taŋeŋ biŋ agwa-agwaŋa sa atom.”

¹⁰ Amboac tonaŋ lau-sêlêsuwaga to launêŋ gejobwaga sêsa sêja ma sêjac miŋ gêdêŋ lau gebe “Parao kêsôm biŋ tonec gebe ‘Aê jakêŋ oba êndêŋ amac êtiam atom. ¹¹ Galoc amac taôm naaŋon oba aŋga gamêŋ, taŋ atap oba saŋa naŋ. Mago nomku têkê-têkê, taŋ amac oc amansaŋ naŋ, ŋanamba êtu saun atom, êtôm namba laŋgwa.’” ¹² Amboac tonaŋ lau sêsêlêŋ sêjam gamêŋ Aiguptu samucgeŋ auc, gebe seŋon oba êtu sêmansaŋ nomku têkê-têkêŋa. ¹³ Lausêlêsuwaga sêkac êsêac ma sêsôm gebe “Anam nêŋ kôm êtôm bêcgeŋŋa e atap nomku têkê-têkê ŋanamba sa êtôm namba, taŋ atap sa gêdêŋ têm sêkêŋ oba gêdêŋ amacŋa naŋ.” ¹⁴ Paraonê lausêlêsuwaga sêjac launêŋ gejobwaga, taŋ êsêac sêjaliŋ sa gebe seŋop taun nêŋ lau naŋ, ma têtû kênac êsêac gebe “Gêdêŋ ocsalô tonec amac atap kôm ŋanô sa kêtôm gêmunŋa atom, nec ŋam amboac ondoc.”

¹⁵ Go lau Israel nêŋ gejobwaga dêdêŋ Parao sêja ma têtap gebe “Amboac ondoc aôm gôgôm aêac, taŋ atu nêŋ sakiŋwaga naŋ, amboac tonaŋ. ¹⁶ Êsêac sêkêŋ oba teŋ gêdêŋ nêŋ sakiŋwaga atom, mago sêjatu gebe ‘Amansaŋ nomku têkê-têkê.’ Ma galoc ôlic, êsêac sêjac nêŋ sakiŋwaga gêwiŋ. Ŋakeso gêc aôm taôm nêŋ launageŋ.” ¹⁷ Mago eŋ kêsôm gebe “Amac ojomtêna, amac ojomtêna. Kêtu tonanŋa amac asôm gebe ‘Ôwi aêac siŋ gebe akêŋ da êndêŋ Apômtau.’” ¹⁸ Aêc su, anam nêŋ kôm. Ac sêkêŋ oba êndêŋ amac atom, mago amac amansaŋ nomku têkê-têkê ŋanamba êtôm gêmunŋa.” ¹⁹ Lau Israel

nêñ gejobwaga sêmoa jageo ñanô kêtû jatu tonecña gebe “Ajop taôm, gebe nomku têkê-têkê ñanamba êtôm bêcgeñña êtu sauñ atom.” ²⁰ Gejobwaga sêsa ança Paraonê andu sêja ma têtap Mose agêc Aron sa. Êsêagêc sêôn êsêac sêmoa. ²¹ Ma gejobwaga sêsôm gêdêñ êsêagêc gebe “Apômtau mata é amagêc e êmêtôc amagêc, gebe amagêc agôm Parao to nê lau têntac gedec aêac ma akêñ siñ kêsêp êsêac lemeñ, gebe sênac aêac êndu.”

Mosenê mec

²² Go Mose kêkac tau ôkwi kêtiam gêmu gêdêñ Apômtau gêja ma kêsôm gebe “O Apômtau, amboac ondoc tec gôgôm lau tonec sec. Aôm kôsakiñ aê gamêñ kêtû asageñña. ²³ Aê kasô gadêñ Parao gaja ma kasôm biñ gajam aôm lañôm, mago eñ gêñô e gêgôm lau tonec sec, ma aôm tec gôjam nêñ lau kêsî atomanô.”

6

¹ Mago Apômtau kêsôm gêdêñ Mose gebe “Galloc aôm oc ôlic gêñ, tañ aê gabe jañgôm êndêñ Parao nañ. Eñ oc êkac êsêac toñclaigeñ gebe sêwi gamêñ siñ, ma êjanda êsêac toñclaigeñ gebe sêwi ênê gamêñ siñ.”

Anôtô kêkalem Mose ñakôninña

² Ma Anôtô kêsôm gêdêñ Mose gebe “Aê Apômtau. ³ Aê gaoc tauc lasê gêdêñ Abraham agêc Isak ma Jakob gebe Ñaniniñ Natau aê, mago aê kawaka tauc sa gêdêñ êsêac ña ñoc ñaê Aê-Gamoa-Amboac-Gamoa nec atom. ⁴ Aê kamoatiñ poac gêdêñ êsêac gebe jakêñ gamêñ Kanaan êndêñ êsêac. Gamêñ tau, tañ êsêac sêmoa têtôm lau jabageñ nañ. ⁵ Ma

aê gañô lau Israel, tañ lau Aiguptu sêlêsú êsêac ña kôm ñawapac nañ, nêñ tañiboa ma taêc gêjam ñoc poac. ⁶ Kêtu tonañña ôsôm êndênj lau Israel gebe 'Aê Apômtau tau. Aê gabe jaê amac sa aña Aiguptunêñ kôm ñawapac, tañ kêkônij amac nañ, to jañgamboac amac su aña êsêacnêñ sakiñ gêñômaña ma jamêtôc lemoc gebe janam amac sa to jañgôm gêñsêga gebe jamêtôc êsêac. ⁷ Aê gabe jakôc amac sa atu ñoc lau ma gabe jatu nêñ Anôtô. Amac ajalamañ gebe aê Apômtau, amacnêñ Anôtô, tañ gaê amac sa aña Aiguptunêñ kôm ñawapac. ⁸ Aê gabe jawê amac aô lasê gamêñ, tañ katôc lemoc gebe jakêñ êndênj Abraham agêc Isak ma Jakob. Aê gabe jakêñ gamêñ tau êndênj amac êtu amacnêñ nom. Aê Apômtau oc jañgôm.' " ⁹ Mose kêsôm biñ tonañ gêdênj lau Israel, mago êsêac sêkênj tañej Mosenê biñ atom, gebe nêñ ñalêlôm popoc ma kôm tau ñawapacosu.

¹⁰ Ma Apômtau kêsôm gêdênj Mose gebe ¹¹ "Ôsô naôsôm êndênj Aiguptunêñ kiñ Parao gebe êlôc ma lau Israel sêwi ênê gamêñ siñ." ¹² Mago Mose kêsôm gêdênj Apômtau gebe "Ôlic acgom, lau Israel sêkênj tañej ñoc biñ atom, ma Parao oc êkênj taña aê, tañ aocsuñ ñawapac nañ, amboac ondoc." ¹³ Go Apômtau gêjam biñgalôm gêwiñ Mose agêc Aron ma kêjatu êsêagêc gebe sêsôm êndênj lau Israel to êndênj Aiguptunêñ kiñ Parao gebe agêc awê lau Israel sêwi gamêñ Aiguptuña siñ.

6:14-27 Ñamadiñ tonec kêkip Mose agêc Aron nêñ ñam sa. Êsêagêc sêsa aña Lewinê gôlôac. Aronnê wakuc ñagêdô nêñ ñaê kêsêp ñamadiñ tonec gêwiñ.

Anôtônê Jatu gêdênj Mose agêc Aron

²⁸ Gêdêḡ bêc, taḡ Apômtau kêsôm biḡ gêdêḡ Mose aḡga gamêḡ Aiguptuḡa naḡ, ²⁹ Apômtau kêsôm gêdêḡ Mose gebe “Aê Apômtau tau. Ôsôm biḡ samob, taḡ aê jasôm êndêḡ aôm naḡ êndêḡ Aiguptunêḡ kiḡ Parao.” ³⁰ Mago Mose kêsôm gêdêḡ Apômtau gebe “Ôlic acgom, aê aocsuḡ ḡawapac, tec Parao oc êkêḡ taḡa aê amboac ondoc.”

7

¹ Ma Apômtau kêsôm gêdêḡ Mose gebe “Ôlic acgom, aê jakêḡ aôm ôtu Paraonê anôtô ma têwam Aron êtu nêḡ propete. ² Aôm ôsôm biḡ samob, taḡ aê jajatu naḡ, êndêḡ Aron, ma eḡ êsôm êndêḡ Parao, gebe êlôc gebe lau Israel sêwi ênê gamêḡ siḡ sêc sêna. ³ Mago aê gabe jaḡgôm Paraonê ḡalêlôm ḡadani êsa. Aê oc jaḡgôm gêḡtalô to gêḡsêga taêsam aḡga gamêḡ Aiguptuḡa, ⁴ tageḡ Parao oc êkêḡ taḡa amagêcnêḡ biḡ atom. Go aê lemoc êpi Aiguptu ma ḡoc toḡ, ḡoc lau Israel tau tonḡ, sêwi gamêḡ Aiguptuḡa siḡ, ma jaḡgôm gêḡsêga gebe jamêtôc lau Aiguptu. ⁵ Aê embe jamêtôc lemoc gebe janac Aiguptu ma jawê lau Israel sa aḡga êsêac ḡalêlôm, go lau Aiguptu sêjala gebe aê Apômtau.” ⁶ Ma Mose agêc Aron taḡeḡ wamu ma sêgôm biḡ kêtôm Apômtau kêjatu êsêagêc. ⁷ Gêdêḡ taḡ sêsôm biḡ gêdêḡ Parao naḡ, Mosenê jala kêtû 80 ma Aronnê kêtû 83.

Aronnê tôc

⁸ Ma Apômtau kêsôm gêdêḡ Mose agêc Aron gebe ⁹ “Parao embe êsôm êndêḡ amagêc gebe ‘Awaka taôm sa ḡa gêḡtalô teḡ,’ go ôsôm êndêḡ Aron gebe ‘Ôkôc nêḡ tôc ma ômbaliḡ naênêc Parao laḡônêḡḡa

gebe êtu moac.’ ” ¹⁰ Amboac tonan Mose agêc Aron dêdên Parao sêja ma sêgôm kêtôm Apômtau kêjatu êsêagêc. Aron kêbaliñ nê tôc jagêc Parao to nê sakiñwaga lañôñnêmña e tôc tau kêtü moac. ¹¹ Go Parao kêkalem lau tokauc ma lau mectomanña, ma Aiguptunên lau mectomanña tonan nêñ ñaclai kainñ tenñ, tec sêgôm gêñtalô tônê amboac tonanjenñ. ¹² Êsêac samob gêdên-gêdênjenñ sêbaliñ nêñ tôc jagêc nom e kêtü moac. Mago Aronnê tôc kêdanğonñ êsêacnênñ tôc samob su. ¹³ Mago Paraonê ñalêlôm ñadani ñapanñ, tec kêkênñ taña êsêagêcnênñ biñ atom, kêtôm Apômtau kêsôm lasê kwananjenñ.

Bu kêtü dec ñagênwapac

¹⁴ Go Apômtau kêsôm gêdên Mose gebe “Paraonê ñalêlôm ñadani kêsagac, enñ gedec gebe êwi lau siñ. ¹⁵ Bêbêcgenñ Parao êsa bu êna, go aôm ôndên enñ ôna ma ônsaê enñ ôkô butali. Ômênğôm tôc, tañ gêjam tau ôkwi kêtü moac nañ. ¹⁶ Go ôsôm êndên enñ gebe ‘Apômtau, Ebolainênñ Anôtô, kêsakiñ aê gadên aôm gamênñ. Enñ kêsôm gebe “Ôwi ñoc lau siñ sêna, gebe sênam sakiñ aê anğa gamênñ sawa, mago ôlic acgom, aôm tañam wamu atom tagenñ.” ¹⁷ Apômtau kêsôm tenñ amboac tonec gebe “Ôlic acgom, aê janac bu, tañ kêpoac bu Nil nañ, ña tôc, tañ kamêğôm nañ, ma bu ênam tau ôkwi êtu dec. Biñ tau êwaka aê sa e ôjala gebe aê Apômtau. ¹⁸ Ma i anğa Nil oc sêmac êndu ma bu Nil tau ñabu ñasu êsa ma lau Aiguptu oc sendec bu ma sênôm atom.” ’ ” ¹⁹ Ma Apômtau kêsôm gêdên Mose gebe “Ôsôm êndên Aron gebe ‘Ôkôc nêñm tôc ma ômêtôc lêmam êndên bu Aiguptuña samob, êndên bu, tañ keselenñ

nañ, to êndên busawa ma bu ñaton to bu saboac, gebe bu samob ênam tau ôkwi êtu dec ança gamên Aiguptuña samucgeñ. Bu êtu dec ança suc to kupoc amboac tonanğeñ.’ ”

²⁰ Mose agêc Aron sêgôm kêtôm Apômtau kêjatu. Aron gêoc tôc sa ma gi bu, tañ kêpoac bu Nil nañ, Parao to nê sakiñwaga samob sêlic. Ma bu samob, tañ kêpoac bu Nil nañ, gêjam tau ôkwi kêtü dec. ²¹ Ma i, tañ sêmoa bu Nil nañ, sêmac êndu, ma bu Nil ñasu kêsa e lau Aiguptu têtôm gebe sênôm bu ança bu Nil êtiam atom. Dec gêjam gamên Aiguptuña samucgeñ auc. ²² Mago lau mectomañ Aiguptuña sêgôm gêñ tônê amboac tonanğeñ ña nêñ ñaclai kain ten. Amboac tonañ Paraoñê ñalêlôm ñadani gedeg tônğeñ ma eñ kêkên taña êsêagêcnên biñ atom kêtôm Apômtau kêsôm kwananğeñ. ²³ Parao kêkac tau ôkwi kêsô nê andu gêja ma biñ tonañ gêgôm nê ñalêlôm ñawapac kêsa atom. ²⁴ Ma lau Aiguptu samob sêgawê bu sênômña sêmoa bu Nil ñatali, gebe êsêac têtôm gebe sênôm bu Nil atom. ²⁵ Apômtau gi bu Nil ma gêñwapac tau gêc bêc 7.

8

Ôpoac ñagêñwapac

¹ Go Apômtau kêsôm gêdên Mose gebe “Ôsô ôndên Parao ôna ma ôsôm êndên eñ gebe ‘Apômtaunê biñ tau tonec gebe “Ôwi ñoc lau siñ, gebe nasênam sakiñ aê. ² Mago embe ondec ma ôwi êsêac siñ atom, go jakên ôpoac sêlênsôn nêñ gamên samucgeñ. ³ Ôpoac sênam bu Nil auc. Êsêac sêpi nêñ andu ma sêsô nêñ balêm bêcña ma sênc nêñ

mê. Êsêac sêpi nê m sakinwaga to nê m lau samob nê n andu. Êsêac sêsô nê m ki apac polomnja njalêlôm to sê nê c nê m suc anjalun polomnja. ⁴ Ôpoac oc sê ngalab sê pi aôm to sê pi nê m lau ma nê m sakinwaga samob.” ’ ’ ⁵ Ma Apômtau kêsôm gê dên Mose gebe “Ôsôm ê ndên Aron gebe ‘Ômêtôc lê mam to nê m tôc ê ndên bu to busawa ma bu natonj ma ôkênj ôpoac sê nam gamênj Aiguptunja auc.’ ” ⁶ Amboac tonanj Aron kê mêtôc lê ma gê dênj Aiguptu njabu samob ma ôpoac sê pi e sê jam gamênj Aiguptunja auc. ⁷ Mago lau mectomannja sê gôm gênj tô nê nja nê n njaclai kainj tej ma sê kênj ôpoac sê pi gamênj Aiguptunja sê mênj amboac tonanjenj.

⁸ Go Parao kê kalem Mose agêc Aron ma kêsôm gebe “Ate n Apômtau gebe ê kôc ôpoac su anja aê to njoc lau ma jawi lau sinj nasê kênj da ê ndênj Apômtau.” ⁹ Mose kêsôm gê dênj Parao gebe “Aê jate n aôm gebe taôm ôsam bêc ôpoac sê wi aôm to nê m andu samob sinja, go jate n ê tu aôm to nê m sakinwaga ma nê m launja. Ma ôpoac oc sê moa bu Nil tage n.” ¹⁰ Ma Parao kêsôm gebe “Elenja.” Mose kêsôm gebe “Binj, ta n aôm kôsôm nanj, oc nanô ê sa, ec ôjala gebe njac tej kê tôm Apômtau, aêacma Anôtô, gê moa atom-anô. ¹¹ Ôpoac oc sê wi aôm to nê m andu ma nê m sakinwaga to nê m lau samob sinj. Êsêac oc sê moa bu Nil tage n.” ¹² Go Mose agêc Aron sê wi Parao sinj, ma Mose awa gê jac Apômtau kê tu ôpoacnja, kê tôm ta n enj kê masan binj gê wi nj Parao nanj. ¹³ Ma Apômtau gê gôm kê tôm Mosenê binj. Ôpoac sê mac ê ndu anja andu to malaclun ma kôm. ¹⁴ Ma ê sê ac sê boa ôpoac sa totonj-totonj e njasu kê pônj popoc gê jam

gamêñ samucgeñ auc. ¹⁵ Mago gêdêñ tañ Parao kêsaê gebe gêñwapac kêlêwan eñ nan, eñ gégôm nê ñalêlôm ñadani kêsa e kêkêñ taña êsêagêcnêñ biñ atom kêtôm Apômtau kêsôm kwananğeñ.

Kawan ñagêñwapac

¹⁶ Go Apômtau kêsôm gêdêñ Mose gebe “Ôsôm êndêñ Aron gebe ‘Ômêtôc nêma têtôm ma ôi nom ñakekop e êtu kawan ênam gamêñ Aiguptuña samucgeñ auc.’” ¹⁷ Ma êsêagêc sêgôm amboac tonanğ. Aron kêmêtôc lêma tonê têtôm ma gi nom ñakekop, ma kawan kêpi e gêñac ñamalac to bôc. Nom ñakekop samucgeñ kêtû kawan gêjam gamêñ Aiguptuña auc samucgeñ. ¹⁸ Lau mectomanğña sêsaê gebe sêkêñ kawan amboac tonanğ ña nêñ ñaclai kainğ teñ, mago sêgôm têtôm atom. Amboac tonanğ kawan gêñac têtôm ñamalac to bôc auc. ¹⁹ Ma lau mectomanğña sêsôm gêdêñ Parao gebe “Anôtônê lêma ñakôm tonec.” Mago Paraonê ñalêlôm ñadani kêsa e kêkêñ taña êsêagêcnêñ biñ atom kêtôm Apômtau kêsôm kwananğeñ.

Danğuc ñagêñwapac

²⁰ Go Apômtau kêsôm gêdêñ Mose gebe “Ôndi sa êndêñ bêbêc kanucgeñ ma ônsaê Parao êsa bu êna, go êsôm êndêñ eñ gebe ‘Apômtaunê biñ tau tonec gebe “Ôwi ñoc lau siñ, gebe nasênam sakinğ aê. ²¹ Ôlic acgom, embe ôwi ñoc lau siñ atom, go jasakiñ danğuc êpi aôm to nêma sakinğwaga ma nêma lau ma êsô nêma andu amboac tonanğ. Ma danğuc tolêsôb-tolêsôb ênam lau Aiguptu nêñ andu auc ma ênac têtôm nom, tañ ñamalac sêmoa nanğ, auc amboac tonanğeñ. ²² Êndêñ bêc tonanğ aê janğôm

gamêḅ Gosen amboac teḅ. ḅoc lau sêmoa gamêḅ tonanḅ, tec danḅuc teḅ êmoa atom e ôjala gebe aê Apômtau gamoa gamêḅ tau ḅalêlôm. ²³ Amboac tonanḅ aê jawa ḅoc lau to nêḅ lau êkôc. Biḅ tonanḅ êsa êndêḅ elenḅa.” ’ ” ²⁴ Ma Apômtau gêgôm biḅ tonanḅ ḅanô kêsa. Danḅuc tolêsôb-tolêsôb kêsô Parao to nê sakiḅwaga nêḅ andu. Ma gamêḅ Aiguptuḅa samucḅeḅ kêtap danḅuc ḅagêḅwapac sa.

²⁵ Go Parao kêkalem Mose agêc Aron ma kêsôm gebe “Ajôc, akêḅ da êndêḅ nêḅ Anôtô anḅa gamêḅ tonec.” ²⁶ Mago Mose kêsôm gebe “Biḅ amboac tonanḅ oc êtôm atom, gebe gêḅ, taḅ aêac oc akêḅ êtu da êndêḅ Apômtau, aêacma Anôtô, nanḅ, lau Aiguptu sêlic amboac gêḅ alôb-alôb. Ma aêac embe akêḅ gêḅ, taḅ lau Aiguptu sêlic amboac gêḅ alôb-alôb nanḅ, êtu da êsêac sêlic, oc têtuc aêac ḅa poc êndu atom me. ²⁷ Aêac asêlêḅ êtôm bêc télêac asa gamêḅ sawa ana, go akêḅ da êndêḅ Apômtau, aêacma Anôtô, êtôm eḅ tau kêjatu aêac nanḅ.” ²⁸ Tec Parao kêsôm gebe “Aê jawi amac siḅ naakêḅ da êndêḅ Apômtau, amacnêḅ Anôtô, anḅa gamêḅ sawa. Tagenḅ amac ana jaêcḅeḅ atom. Awem ênac Apômtau êtu aêḅa.” ²⁹ Go Mose kêsôm gebe “Ôlic acgom, aê jawi aôm siḅ jasa najatenḅ mec êndêḅ Apômtau gebe elenḅa danḅuc tolêsôb-tolêsôb êwi Parao to nê sakiḅwaga ma nê lau siḅ. Tagenḅ aôm ônsau aêac êtiam atom ma ôḅgamiḅ lau gebe sêkêḅ da êndêḅ Apômtau nec atom.” ³⁰ Ma Mose kêsa anḅa Paraonê jaketenḅ mec gêdêḅ Apômtau. ³¹ Ma Apômtau gêgôm biḅ, taḅ Mose ketenḅ nanḅ, ḅanô kêsa ma kêkôc danḅuc tolêsôb-tolêsôb su anḅa Parao to nê sakiḅwaga ma nê lau nêḅ. Danḅuc teḅ gêmoa kêtiam atom. ³² Mago

Parao gêgôm nê ñalêlôm ñadani kêsa kêtiam ma gêwi lau siñ atom.

9

Bôc têtap gêñwapac sa

¹ Go Apômtau kêsôm gêdêñ Mose gebe “Ôsô ôndêñ Parao ôna ma ôsôm êndêñ en gebe ‘Apômtau, Ebo-lainêñ Anôtô, nê biñ tau tonec gebe “Ôwi ñoc lau siñ, gebe nasênam sakiñ aê. ² Ôlic acgom aôm embe ondec gebe ôwi êsêac siñ ma ôkôc êsêac tôñ ñapañ, ³ go Apômtau lêma ênac aômnêm bôc, tañ sêmoa kôm nañ, hos to donki ma kamele to bulimakao ma domba. Samob têtap gêmac sec kaiñ teñ sa. ⁴ Ma Apômtau êwa lau Israel to Aiguptu nêñ bôc êkêc, ma lau Israel nêñ bôc teñ êmac êndu atom.” ’’
⁵ Ma Apômtau kêkêñ noc ma kêsôm gebe “Elenña Apômtau gebe êngôm biñ tau ñanô êsa anga gamêñ tonec.” ⁶ Ma gelenña Apômtau gêgôm gêñ tau. Lau Aiguptu nêñ bôc samob sêmac êndu, mago lau Israel nêñ bôc teñ gêmac êndu atom. ⁷ Ma Parao kêsakiñ lau gebe sênac lau Israel nêñ bôc kesi ma êsêac sêlic gebe nêñ bôc teñ gêmac êndu atom. Mago Paraonê ñalêlôm ñadani kêsa ma gêwi lau siñ atom.

Kamocmatu ñagêñwapac

⁸ Ma Apômtau kêsôm gêdêñ Mose agêc Aron gebe “Akôc ñagasi anga ki ano gêñña êsêp amagêc lemema ma Mose êpalip gêñ tau êpi umbon ma Parao êlic. ⁹ Ñagasi tau oc ênam tau ôkwi êtu kekop ênam gamêñ Aiguptuñ samucgeñ auc e êngôm kamocmatu ênam ñamalac to bôc nêñ ôliñ auc anga gamêñ Aiguptuñ samucgeñ, ma kamocmatu tau

êu lasê e êtu kamoc.” ¹⁰ Amboac tonañ êsêagêc sêkôc ñagasi tau ma sêkô Parao lañônêmña. Ma Mose kêpalip kêpi umboñ e ñamalac to bôc têtap kamocmatu sa, tec kamocmatu tau gêu lasê e kêtû kamoc. ¹¹ Lau mectomanña têtôm gebe sêkô Mose lañônêmña atom, gebe kamocmatu gêjam êsêac auc kêtôm gêjam lau Aiguptu ñagêdô samob auc. ¹² Mago Apômtau gêgôm Paraonê ñalêlôm ñadani kêsa e kêkêñ taña êsêagêcnêñ biñ atom kêtôm Apômtau kêsôm gêdêñ Mose kwananğeñ.

Kompoc ñagêñwapac

¹³ Go Apômtau kêsôm gêdêñ Mose gebe “Ôndi êndêñ elenğ bêbêc kanucğeñ ma ôkô Parao lañônêmña ma ôsôm êndêñ eñ gebe ‘Apômtau, Ebolainêñ Anôtô, nê biñ tau tonec gebe “Ôwi ñoc lau siñ gebe nasênam sakiñ aê. ¹⁴ Gebe galoc aê oc jasakiñ ñoc gêñwapac samob êkôninğ nêm ñalêlôm to nêm sakiñwaga ma nêm lau e ôjala, gebe ñac teñ kêtôm aê gêmoa nom atomanô. ¹⁵ Wanêcğeñ aê embe jaôc lemoc sa ma janac aôm to nêm lau ña gêmacc sec, oc galoc amacc ananğa anğa nom su. ¹⁶ Mago aê gasenğ aôm su atom, gebe jatôc ñoc ñaclai êndêñ aôm ma janğôm ñoc ñaê ñawae êsa êtu tapa anğa nom samucğeñ. ¹⁷ Aôm kotoc taôm sa gêdêñ ñoc lau ñapanğ ma gôwi êsêacc siñ atom. ¹⁸ Ôlic accom, elenğña ñaockatu amboacc tonec aê jakêñ kompoc ênac kapôênanô. Gêdêñ têm, tañ Aiguptu kêsa e mênğgêdêñ galoc kompoc amboacc tonañ gêjac kêsêp Aiguptu atomanô. ¹⁹ Amboacc tonañ ôsakiñ ñawae gebe nêm bôc samob to gêñ samob, tañ gêmoa kôm nanğ, sêlamu gadê teñ, gebe

kompos oc ênac ñamalac to bôc samob, tañ sêmoa kôm ma nêñ gadê masi nañ, sêmac êndu.” ’ ” 20 Go Paraonê sakinwaga ñagêdô, tañ têtêc Apômtaunê biñ nañ, sêkêñ nêñ gêñôma to nêñ bôc sêc jasêlamu nêñ andu. 21 Mago êsêac, tañ Apômtaunê biñ kepen nêñ ñalêlôm atom nañ, dedec nêñ gêñôma to nêñ bôc gacgenj sêmoa kôm.

22 Ma Apômtau kêsôm gêdêñ Mose gebe “Ômêtôc lêmam êndêñ undambê gebe kompos ênac êpi ñamalac to bôc ma gêñ kômña aña gamêñ Aiguptuña samucgenj.” 23 Go Mose kêmêtôc lêma totôc gêdêñ undambê, ma Apômtau kêkêñ wapap to kompos gêjac ma ôsic kêkac kêsêp nom gêmêñ. Ma Apômtau kêkêñ kompos gêjac gamêñ Aiguptuña. 24 Kompos gêjac ma ôsic kêkac gê têngenj kêsêp kompos ñalêlôm. Gêdêñ têm samob, tañ ñamalac Aiguptuña sêbiñ tauñ tôñ têtû lau-m kapôên nañ, kompos kapôênanô amboac tonañ gêjac atomanô. 25 Kompos kêtuc gêñ samob, tañ gêmoa kôm nañ, aña gamêñ Aiguptuña samucgenj. Gêjac ñamalac to bôc kêtômgenj ma gêjac gêñ kômña samob to kêtuc ka samob, tañ kêkô kôm nañ, tulu. 26 Gamêñ Gosen tagen, tañ lau Israel sêngôñ nañ, tec kompos kêsêp atom.

27 Go Parao kêsakinj biñ gêdêñ Mose agêc Aron gebe sêmêñ ma kêsôm gêdêñ êsêagêc gebe “Aê gagôm sec gêdêñ ñasawa tonec. Apômtau en ñac gêdêñ ma aê to ñoc lau agôm gêñ keso. 28 Atenj Apômtau gebe wapap to kompos êmbacnê, gêjac kêtômngac. Aê gabe jawi amac siñ ana, amac oc amoa tonec baliñanô atom.” 29 Mose kêsôm gêdêñ en gebe “Êndêñ tañ jawi malac siñ su, go jalam

lemoc êndêñ Apômtau, ma wapap êmbacnê ma kompoc ênac êtiam atom, ec ôjala gebe Apômtau kêtû nom ñatau. ³⁰ Mago aê kajala gebe aôm to nêñ sakinwaga atêc Apômtau Anôtô atom tagen.”

³¹ (Kompoc gesen gêñ kômña, tañ kêtû gagwen nañ su, ³² gêñ kômña ñagêdô, tañ kêpoa atom tagen nañ, gêjaña atom.)

³³ Amboac tonañ Mose kêsa anga Paraonê jagêwi malac siñ ma gêlam lêma gêdêñ Apômtau, tec wapap to kompoc gêbacnê, ma kom kêsêwa kêsêp nom kêtiam atom. ³⁴ Gêdêñ tañ Parao gêlic gebe kom to kompoc ma wapap gêbacnê nañ, en gêgôm sec kêtiam ma en tau to nê sakinwaga sêgôm nêñ ñalêlôm ñadani kêsa. ³⁵ Amboac tonañ Paraonê ñalêlôm ñadani ma gêwi lau Israel siñ atom kêtôm Mose kêsôm kwananğen gêjam Apômtau awa.

10

Wagô ñagêñwapac

¹ Su, go Apômtau kêsôm gêdêñ Mose gebe “Ôsô ôndêñ Parao ôna gebe aê gagôm en to nê sakinwaga nêñ ñalêlôm ñadani kêsa gebe jatôc ñoc gêñtalô tonec ñai êndêñ êsêac ² ma gagôm gêñ tau gebe aôm ônac miñ êndêñ latômi ma dêbômi sêñô aê gagôm lau Aiguptu têtû meloc to gagôm gêñsêga kain ten anga êsêacnêñ gebe amac ajala gebe aê Apômtau tau.”

³ Amboac tonañ Mose agêc Aron sêsô dêdêñ Parao sêja ma sêsôm gêdêñ en gebe “Apômtau, Ebo-lainêñ Anôtô, nê biñ tau tonec gebe ‘Aôm gobe ônac jao taôm e êndêñ ondocgen, go ômbu taôm êndêñ aê. Ôwi ñoc lau siñ gebe nasênam sakin aê. ⁴ Ôlic acgom, aôm embe ondec ma ôwi ñoc lau siñ atom,

go elenja aê jakêj wagô êsa nê m gamêj. ⁵ Gêj tau ênac têc nom auc e talic nom sapu. Wagô êni j gêj, ta j kompoc gesen su atom na j, to êni j nê m ka samob, ta j kêkô kô m na j. ⁶ Gêj tau êpi aôm to nê m saki jwaga ma lau Aiguptu samob nê j andu e êlôc. Gêdê j tê m, ta j tamami to dêbô mi sê ngô j gamê j tonec e mên gêdê j galoc êsêac sêlic gê j amboac tonaj te j atomanô.’ ” Go Mose kêkac tau ôkwi ma kêsa gêja.

⁷ Ma Parao nê saki jwaga sê sô m gêdê j en j gebe “Nac tonec êtu aêac tamoa jageo njamôkê e enden ondocgen. Ôwi lau tau si jma j nasê nam saki j Apômtau, êsêacnê j Anô tô. Aiguptu gêja ja nec aôm nê m kauc kêsa atom me.” ⁸ Amboac tonaj êsêac sêkôc Mose agêc Aron sê mu dêdê j Parao sê ja, ma Parao kêsô m gêdê j êsêagêc gebe “Ana anam saki j Apômtau, amacnê m Anô tô ma j. Mago asa lau oc sê na.” ⁹ Ma Mose kêsô m gebe “Aêac oc ana toma lau wakuc ma lau njanô, toma latunjo to nac ma toma bulimakao to domba, gebe aêac alic Apômtaunê om.” ¹⁰ Parao kêsô m gêdê j êsêagêc gebe “Apômtau êwi j amacma j, mago aê jawi amac tonê m lauo ma nê m gôlôac nasec-nasec si j atom. Bi j tonec gêc awê, gebe amac taê m gêjam bi j sec gêc nê m nâlêlô m. ¹¹ Masianô. Amac nacwaga taômgen j ana ma anam saki j Apômtau, gebe bi j tonec tec abe an gô m.” Ma sesoc êsêagêc sêsa anja Parao sê ja.

¹² Go Apômtau kêsô m gêdê j Mose gebe “Ômê tôc lêmam êpi gamê j Aiguptu ja gebe wagô êsa gamê j Aiguptu ja êmê j ma êni j gê j to laun j samob, ta j kompoc gesen su atom na j.” ¹³ Amboac tonaj

Mose kêmêtôc nê tôc kêpi gamêñ Aiguptuñ ma Apômtau kêkêñ mu kêsêlêñ anga gamêñ oc kêpiña kêsa gamêñ tau gêdêñ oc samuc tonañ ma gêbêc samuc tonañ. Ma ñageleñ mu tau kejon wagô gêmêñ. ¹⁴ Ma wagô gêjam nom Aiguptuñ auc samucgeñ ma gêjac têc gamêñ Aiguptuñ auc samucgeñ. Lau teñ sêlic wagô toton-toton amboac tonañ su atomanô me oc sêlic teñ êtiam atom amboac tonañgeñ. ¹⁵ Gêñ tau gêjac têc nom auc samucgeñ e jecôma ma geñ gamêñ ñagêñ matac samob to kañanô, tañ kompoc gesen su atom nañ, e gêbacnê Ka to gêñ kômña anga gamêñ Aiguptuñ ñalauñ gêjaña samucgeñ. ¹⁶ Go Parao kêkalem Mose agêc Aron kêkacgeñ ma kêsôm gebe “Aê gagôm sec gêdêñ Apômtau, amacnêm Anôtô, ma gêdêñ amagêc. ¹⁷ Tec galoc gabe jateñ amagêc gebe asuc ñoc sec ôkwi tageñ tecenec êwiñ, gebe aten Apômtau, amacnêm Anôtô, ma êkôc gêñwapac tonec su anga aê, gebe janaña atom.” ¹⁸ Go Mose kêsa anga Paraonê jaketeñ Apômtau. ¹⁹ Ma Apômtau gêjam mu ôkwi e kêsêlêñ kapôêñ kêsa anga gamêñ oc kêsêpña. Mu tonañ kejon wagô sa ma kêbaliñ kêsêp Gwêckoc gêja e wagô teñ gêmoa gamêñ Aiguptuñ kêtiam atom. ²⁰ Mago Apômtau gêgôm Paraonê ñalêlôm ñadani kêsa ma en gêwi lau Israel siñ atom.

Gêsunbôm ñagêñwapac

²¹ Go Apômtau kêsôm gêdêñ Mose gebe” Ômêtôc lêmam êpi umbon gebe gêsunbôm êkôm gamêñ Aiguptuñ auc e lau têtôm gebe sêmoasac gêsunbôm tau.” ²² Ma Mose kêmêtôc lêma kêpi umbon e gêsunbôm ñadani sec kêkôm gamêñ Aiguptuñ samucgeñ auc kêtôm bêc têlêac. ²³ Lau Aiguptu

sêlic tauŋ sapu ma dêdi aŋga malen atom kêtôm bêc têtêac. Mago lau Israel samob têtap ŋawê sa aŋga nêŋ gamêŋ. ²⁴ Go Parao kêkalem Mose ma kêsôm gebe “Anam sakinŋ Apômtau. Nêm ŋapalêo to ŋac sêwiŋ amac, tagenŋ nêm bulimakao to domba gacgenŋ sêmoa tonec.” ²⁵ Mago Mose kêsôm gebe “Amboac tonanŋ aôm taôm ôkêŋ bôc gebe akêŋ êtu da to daja êndênŋ Apômtau, aêacma Anôtô. ²⁶ Aêacma bulimakao samob sêwiŋ aêacmaŋ, ŋatenŋ êmoa tonec atom, gebe aêac ajaliniŋ ŋagêdô sa êtu anam sakinŋ Apômtau, aêacma Anôtôŋa. Aêac ajam kauc anam sakinŋ Apômtau ŋa gêŋ ondoc. Aêac aô lasê gamêŋ tau su acgom, go ajala.” ²⁷ Ma Apômtau gêgôm Paraonê ŋalêlôm ŋadani kêsa ma enŋ gêwi êsêac siŋ atom. ²⁸ Go Parao kêsôm gêdênŋ Mose gebe “Ôêc su. Ôlic taôm gebe ôlic aê laŋôcanô êtiam atom. Êndênŋ bêc ôlic aê laŋôcanô êtiamŋa, aôm oc ômac êndu.” ²⁹ Mose kêsôm gebe” Aôm kôsôm gac. Aê oc jalic aôm laŋômanô êtiam atom.”

11

Ŋamêc samob sêmac êndu ŋapuc

¹ Go Apômtau kêsôm gêdênŋ Mose gebe “Aê gabe jakêŋ gêŋwapac tagenŋgenŋ êwiŋ êkôniŋ Parao to Aiguptu. Tonec êmbacnê, go êwi amac siŋ. Embe êwi amac siŋ, go êjanda amac aêc gacgenŋ ana. ² Galoc ôsôm êndênŋ nêm lau gebe ŋacwaga samob tetenŋ nêŋ lau sacgêdô gêdênŋ tauŋŋa to lauo samob tetenŋ nêŋ lauo sacgêdô gêdênŋ tauŋŋa gebe sêkêŋ gêlôŋ silber to gold êndênŋ êsêac.” ³ Ma Apômtau gêgôm lau Aiguptu sêlic lau Israel ŋajam. Ma Mose tau amboac tonanŋ. Paraonê sakinŋwaga to lau tau

sêlic en amboac ñac towae kapôên anğa gamên Aiguptuņa.

⁴ Ma Mose kêsôm gebe “Apômtaunê biņ tau tonec gebe Êndên êmbêc êna lugeņ, go aê jasêlên janac laoc gamên Aiguptuņa. ⁵ Ma gamên Aiguptuņa ñagên ñamêc samob sêmac êndu. Janac m anğa Paraonê ñacsêga, taņ oc êngôn Paraonê lêpôn kiņņa naņ, e êndên sakiņwagao, taņ kêlêsa polom popoc naņ, nê ñacsêga. Ma bôc ñamêc samob sêmac êndu amboac tonanğen. ⁶ Lau oc têtan taņjiboa kapôênanô amboac têtan gêmunņa atom ma oc têtan êtiam amboac tonec atomanô. ⁷ Mago lau Israel amboac teņ. Kêam teņ oc êkên Iêsu ñamalac to bôc atom, gebe ajala Apômtau gêwa lau Aiguptu to lau Israel kêkôc. ⁸ Go nê m sakiņwaga samob tonanğ sêsêp sêndên aê sêmên ma sewec êndên aê ma sêsôm gebe ‘Ôkôc taôm sa ma nê m lau samob sêndanğuc aôm.’ Su, go jawi gamên siņ.” Ma Mose kêsoma anğa Paraonê totêtac ñandanğ kapôênğenğ gêja. ⁹ Go Apômtau kêsôm gêdên Mose gebe “Parao oc êkên taņa aôm nê m biņ atom e aênoc gênğtalô êtu taêsam anğa gamên Aiguptu acgom.”

¹⁰ Mose agêc Aron sêgôm gênğtalô samob tonanğ ñai sêkô Parao laņônênğ. Ma Apômtau gêgôm Paraonê ñalêlôm ñadani kêsoma ma gêwi lau Israel siņ anğa nê gamên atom.

12

Biņ Pasanğa

¹ Ma Apômtau kêsôm gêdên Mose agêc Aron anğa gamên Aiguptuņa gebe ² “Ajôn tonec êtu nê m ajôn samob ñamata. Amac anac m nê m Jala ña ajôn

ɲamata tonanɲ. ³ Asôm êndêɲ Israelnêɲ gôlôac gebe Êndêɲ ajônɲ tonec ɲabêc 10 ɲacwaga samob sêkôc domba ɲalatu tagen-tagen êtôm nêɲ gôlôacmôkêgen, sêkôc domba tagen-tagen êtôm andugen. ⁴ Ma lau andu tenɲa embe nêɲ toɲ saun, nanɲ têtôm gebe sêniɲ domba ɲalatu tenɲ e êmbacnê atom, go êsêac to lau, taɲ sêɲgônɲ mênbaɲ taunɲ nanɲ, sêpi tagen, ec têtôm gebe sêniɲ domba ɲalatu tau. Lau tau nêɲ namba êtôm gebe sêniɲ domba ɲalatu tenɲ e êmbacnê. ⁵ Aômnêm domba ɲalatu tau ɲageo tenɲ ênêc atomanô. Ôkôc kapoac tenɲ ɲajala tagen. Ôkôc domba me noniɲ ɲalatu tenɲ. ⁶ Ajop bôc ɲalatu tau e êndêɲ ajônɲ tonec ɲabêc 14. Êndêɲ ɲabêc tonanɲ ɲaêtula Israelnêɲ gôlôac samob sêmbuc nêɲ domba ɲalatu êtômgen. ⁷ Go sêkôc ɲadec ɲagêdô nasênsê êpi andu, taɲ sêɲgônɲ ma sêniɲ gêɲ nanɲ, ɲasagiɲtêkwa sacgêdôɲa to kagêbôc. ⁸ Êsêac sêpac domba ma sêniɲ êndêɲ êmbêc tonanɲ êwiɲ polom ɲaluc to gêɲgaga ɲamakic. ⁹ Aniɲ bôc tau matac atom ma ano êsêp ku, go aniɲ atom amboac tonanɲgen. Apacgen ma aniɲ. Apac samucgen, ɲamôkê to ɲaakaiɲ ma ɲatê. ¹⁰ Ma andec ɲapopoc ênêc e elenɲa lasê atom. ɲagêdô embe ênêc, go akêɲ ja êniɲ su. ¹¹ Aniɲ gêɲ tau ɲalêɲ amboac tonec gebe Ajandiɲ nêm ômbiɲkap to asô atapa ma amêɲgôm tôc ma aniɲ gêɲ ɲagaôgen. Moasiɲ tonanɲ kêtû Apômtaunê Pasa. ¹² Êndêɲ êmbêc tonanɲ aê jasêlêɲ janac laoc gamêɲ Aiguptunɲa ma janac gêɲ ɲamêc samob êndu, ɲamalac ma bôc. Ma aê jamêtôc Aiguptunêɲ anôtôi samob. Aê Apômtau. ¹³ Dec, taɲ ansê êpi nêm andu nanɲ, êtu amacnêm ɲabelo. Embe jalic, oc jaôc lêlêc

amac. Êndêñ tañ janac Aiguptu nañ, gêñwapac teñ êpi amac to enseq amac su atom.

¹⁴ “Bêc tonañ êtu amacnêm bêc taêm ênamña ma amac alic bêc tau amboac Apômtaunê om teñ. Bin tonañ êtu amacnêm gôlôac to nêñ gôlôac nêñ ñagôlin teñ ênêc endeq tôñgeñ. ¹⁵ Amac aniq polom ñaluc êtôm bêc 7. Êndêñ bêc ñamataña amac akôc jist su aña nêm andu, gebe ñac teñ embe êniñ polom tojist êndêñ bêc ñamataña to bêc êtu 7ña ñasawa, nañ têtiñ eq su aña Israelnêñ. ¹⁶ Êndêñ bêc ñamataña gôlôac dabuñ sêkac sa. Ma êndêñ bêc êtu 7ña gôlôac dabuñ sêkac sa êtiam. Êndêñ bêc tonañ lau teñ sênam kôm atom, kôm amansañ gêñ aniqñaña tagen, tec êtôm gebe anam. ¹⁷ Ma amac matem êndiq Om Polom ñalucña ñapep, gebe êndêñ bêc tonañgeñ aê jawê amacnêm toñ samob sêwi Aiguptu siñ, tec amacnêm gôlôac to nêñ gôlôac mateñ êndiq bêc tonañ êtu nêm om. Bin tonañ êtu ñagôlin teñgeña teñ. ¹⁸ Êndêñ ajôn ñamataña ñabêc 14 ñaêtula amac aniq polom ñaluc ñapañ e êndêñ ajôn tonañ ñabêc 21 ñaêtula. ¹⁹ Êndêñ bêc 7 tonañ jist ñagec ênêc amacnêm andu atom. Ñac jaba teñ me Israel taun nêñ ñac teñ embe êniñ polom tojist, nañ têtiñ eq su aña Israelnêñ gôlôac. ²⁰ Aniq gêñ tojist teñ atom, aniq polom ñalucgeñ aña nêm andu samob.”

²¹ Go Mose kêkalem Israelnêñ laumata samob ma kêsôm gêdêñ êsêac gebe “Ajalin domba ñalatu sa êtôm nêm gôlôacgeñ ma ambuc domba Pasaña. ²² Akôc sôbolec ôndôc teñ ma asac tôñ êsêp dec, tañ êpoac laclu nañ, go ansê ñadec êpi kagêbôc to sagintêkwa sacgêdôña. Amacnêm teñ êsa nê andu

ņasacgêdô êna atom e elenja lasê. ²³ Gebe Apômtau êsêlêñ ênac laoc gamêñ gebe ênac Aiguptu. Embe êlic dec anja kagêbôc to sagingtêkwa sacgêdôña, go êôc lêlêc sacgêdô tonan ma êkô anela sinja auc gebe êsô nêmandu êna ma ênac amac atom. ²⁴ Sakin tonan amac matem êndin êtu ñagôlin tenjenja ten êndên amac to nêmandu gôlôac wakuc. ²⁵ Ma amac embe aô lasê gamêñ, tan Apômtau gebe êkên êndên amac amboac gêjac mata su nan, go ajop sakin dabun tonan. ²⁶ Ma amacnêmandu gôlôac embe têtukênac amac gebe ‘Sakin dabun tau ñam amboac ondoc,’ ²⁷ go asôm êndên êsêac gebe ‘Pasa ñada, tan akên êndên Apômtau nan tonec. Da tau ñam gebe En gêoc lêlêc lau Israel nêmandu anja Aiguptu. Gêdên tan gêjac Aiguptu nan, en gêjam aêacnêmandu kêsi.’” Ma lau sewec to teten mec gêdên Apômtau.

²⁸ Go lau Israel sêja ma sêgôm bin, tan Apômtau kêjatu gêdên Mose agêc Aron nan, ñanô kêsa.

Gênwapac ñamuña. Namêc sêmac êndu

²⁹ Gêdên gêbêcauc gêja lu Apômtau gêjac launên ñacsêga samob êndu anja gamêñ Aiguptuña. En gêjac Paraonê ñacsêga, tan êwê kain ênê lêpôn kinja to ñac kapoacwalôña, tan gêngôn gêsun kapoacwalôña nan, nê ñacsêga ma bôc ñamêc samob. ³⁰ Ma Parao to nê sakinwaga ma lau Aiguptu samob dêdi sa gêdên gêbêc ma tanjiboa kapônê kêpi anja Aiguptu gebe ñacmatê sêc kêtôm andu samobgen. ³¹ Ma gêdên gêbêc tonangen Parao kêkalem Mose agêc Aron ma kêsôm gêdên êsêagêc gebe “Andi ma aêc ana. Amagêc to lau Israel awi ñoc lau sin. Aêc su naanam sakin Apômtau

amboac asôm. ³² Akôc nê m domba to bulimakao sêwiŋ amac êtôm asôm ma ana. Ma atenŋ Apômtau gebe ênam mec aê amboac tonanŋen.”

³³ Lau Aiguptu sêkac lau Israel gebe sêwi gamêŋ sinŋ nagaôgeŋ gebe sêsôm gebe “Êsêac embe sêwi aêac sinŋ atom, go aêac samob tamac êndu.”

³⁴ Amboac tonanŋ lau Israel sêsabaŋ nêŋ suc topolom ŋaluc matac kêsêp nêŋ ŋakwê ma sêbic sa sebe sêsêlêŋ. ³⁵ Lau Israel sêgôm kêtôm Mose kêsôm gêdêŋ êsêac ma tetenŋ Aiguptu, tec sêkêŋ gêlôŋ silber to gold ma ŋakwê gêdêŋ êsêac. ³⁶ Ma Apômtau gêgôm lau Aiguptu sêlic lau Israel ŋajam e sêkêŋ gêŋ, taŋ Israel tetenŋ nanŋ, gêdêŋ êsêac. Tec lau Israel sêjaŋgo gêŋ su anŋa lau Aiguptu nêŋ.

Lau Israel sêwi Aiguptu sinŋ

³⁷ Ma lau Israel dêdi anŋa Rameses sêsêlêŋ sêja Sukot. Êsêacnêŋ namba amboac 600,000, mago sêsa lau to nêŋ gôlôac sa sêwiŋ atom. ³⁸ Ma lau jaba taêsam sêwiŋ êsêac, ma domba to bulimakao totonŋ-totonŋ sêwiŋ amboac tonanŋen. ³⁹ Ma lau Israel sêkôc polom matac, taŋ sêmasaŋ anŋa Aiguptu nanŋ, anŋa nêŋ suc ma sêpac polom ŋaluc. Polom tau ŋaluc gebe lau Aiguptu sesoc êsêac, tec nêŋ ŋasawa sêkêŋ jist êsêpŋa masi. Êsêac sêmasaŋ gêŋ sêniŋ anŋa intênaŋa gêwiŋ atom amboac tonanŋen.

⁴⁰ Lau Israel sêŋgôŋ Aiguptu kêtôm jala 430.

⁴¹ Ma gêdêŋ bêc jala 430 gêbacnêŋa solopgeŋ Apômtaunê lau samob sêwi gamêŋ Aiguptuŋa sinŋ.

⁴² Gêdêŋ gêbêc tonanŋ Apômtau gêjam jali ma gêwê êsêac sêsa anŋa Aiguptu sêja. Kêtu tonanŋa lau Israel nêŋ gôlôac to nêŋ gôlôac samob sênam jali êndêŋ êmbêc tonanŋ ma taêŋ ênam Apômtau.

12:43–13:16 Anğa ɲasêbu tonec biɲsu sêlic om Pasa to om Polom ɲalucɲa ɲapeɲa gêc. Biɲsu ɲagêdô kêkanônɲ lau Israel nêɲ ɲapalê ɲamêc to nêɲ bôc kapoac ɲamêc Anôtô gêwa sa gêdêɲ êsêac gebe ɲamêc tau têtû ênê gêɲ.

13

Tao majan to tao ja

¹⁷ Gêdêɲ taɲ Parao gêwi lau Israel siɲ naɲ, Anôtô gêwê êsêac sêsa lau Pilsti nêɲ gamêɲ ɲaintêna atom. Intêna tau tonanɲ dambê, mago Anôtô taê gêjam gebe lau embe sêndac siɲ, oc moae sêkac taunɲ ôkwi sêmu sêna Aiguptu êtiam. ¹⁸ Tec Anôtô gêwê lau sêsa intêna gamêɲ sawanɲa sepeɲ Gwêckoc sêja. Lau Israel dêdi anğa Aiguptu tonêɲ laukasapgeɲ. ¹⁹ Ma Mose kêkôc Josepnê ɲatêkwa gêwiɲ kêtôm Josep kêtôc lêma ma kêmasanɲ biɲ gêdêɲ lau Israel gebe “Anôtô oc ênam amac kêsi. Êndêɲ tonanɲ amac akôc ɲoc ɲatêkwa anğa tonec êwiɲ.” ²⁰ Ma êsêac sêwi Sukot siɲ jasê bec anğa Etam, taɲ gêc gamêɲ sawa ɲamagê naɲ. ²¹ Ma Apômtau kêsêlêɲ gêmunɲ êsêac gêmoa tao majanɲ ɲalêlôm gêdêɲ ocsalô gebe êwê êsêac ma gêdêɲ gêbêc gêmoa tao ja ɲalêlôm gebe êpô êsêac e têtôm gebe sêselêɲ êndêɲ ocsalô ma êndêɲ êmbêc. ²² Tao majanɲ kêsêlêɲ gêmunɲ gêdêɲ ocsalô ma tao ja gêdêɲ gêbêc ɲapangeɲ.

14

Lau Israel selom Gwêckoc

¹ Go Apômtau kêsôm gêdêɲ Mose gebe ² “Ôsôm êndêɲ lau Israel gebe sêkac taunɲ ôkwi sêmu sêna Pihahiroc nasê bec anğa gamêɲ, taɲ gêc Migdol to

gwêc ñasawa êkanôn Balsepo nan. Aê bec êkanôn malac tonan anğôn gwêctaligen. ³ Parao oc taê ênam gebe lau Israel sêlêsa sêmoa ma gamên sawa oc kêlênsôn êsêac. ⁴ Go aê jaŋgôm Paraonê ñalêlôm ñadani êsa e êjanda êsêac. Go jaku Parao to nê siŋwaga samob tulu e ñoc ñawasi êsa. Ma lau Aiguptu oc sêjala gebe aê Apômtau.” Ma êsêac sêgôm amboac tonan.

⁵ Gêdên taŋ sêjac miŋ gêdên kiŋ Aiguptuŋa gebe lau Israel sêc sêja nan, Parao to nê siŋwaga nêŋ ñalêlôm gêjam tau ôkwi ma taêŋ gêjam biŋ teŋ kêpi Israel. Ma êsêac sêsôm gebe “Aêac dagôm asagen tonec, tec dawî Israel siŋ e sêjam sakiŋ aêac kêtiam atom.” ⁶ Amboac tonan Parao kêjatu gebe sêmansaŋ kareta siŋŋa ma kejoŋ nê siŋwaga sa sêwiŋ eŋ. ⁷ Eŋ kêkôc kareta siŋŋa 600, taŋ tau kêjaliŋ sa nan, to kareta ñagêdô samob, taŋ kêtap sa anğa Aiguptu nan, ma kêkêŋ siŋwaganêŋ lau-mata sêpi kareta tonan kêtômgen. ⁸ Ma Apômtau gêgôm kiŋ Aiguptuŋa Parao nê ñalêlôm ñadani kêsa e kêjanda lau Israel, taŋ sêsa anğa Aiguptu sêja toôliŋ kêpigen. ⁹ Lau Aiguptu sêjanda êsêac ma Aiguptunêŋ hos to kareta ma lau, taŋ sêŋgôn hos ñaô nan, to siŋwaga samob jasêôc lêlêc lau Israel, taŋ sê nêŋ bec sêŋgôn gwêctaligen anğa Pihahirok kêkanôn Balsepo.

¹⁰ Gêdên taŋ Parao kêdabiŋ êsêac nan, lau Israel sêôc matenanô sa ma sêlic lau Aiguptu sêsêlêŋ sepeŋ êsêacgen, ma êsêac têtêc taun ñanô. Ma lau Israel têtaiŋ gêdên Apômtau. ¹¹ Ma êsêac sêsôm gêdên Mose gebe “Amboac ondok, sêô masi anğa gamên Aiguptuŋa, tec gôwê aêac asa amên gebe

amac êndu anğa gamêñ sawa nec me. Aôm gôgôm aêac amboac ondoc, tec gôwê aêac awi Aiguptu siñ nec. ¹² Aêac amoa Aiguptugeñ, tec asôm biñ tonec gêdêñ aôm gebe ‘Ondec aêac, aêac abe anam sakiñ lau Aiguptu.’ Anam sakiñ Aiguptu tec ñajam kêlêlêc amac êndu anğa gamêñ sawaña su. Aêac asôm biñ tonañ atom me.” ¹³ Ma Mose kêsôm gêdêñ lau gebe “Atêc taôm atom, akô ñajaña, go alic Apômtau ênam amac kêsi ñakôm, tañ gebe ênam êndêñ ocsalô tonec êtu amacña nañ. Lau Aiguptu, tañ ocsalô tonec alic êsêac nañ, oc alic êsêac êtiam atom. ¹⁴ Apômtau oc ênac siñ êjô amac su ma amac taôm amoa gamêñ êmacgeñ.”

¹⁵ Go Apômtau kêsôm gêdêñ Mose gebe “Aôm gômôêc aê kêtû asageñña. Ôsôm êndêñ lau Israel gebe sêndi sêsêlêñ. ¹⁶ Ôc nêñm tôc sa to ômêtôc lêmam êsa gwêc ma ôwa êkôc gebe lau Israel sêsêp ma sêsêlêñ gamêñ kelengeñ. ¹⁷ Ma aê jañgôm lau Aiguptu nêñ ñalêlôm ñadani êsa e sêsêp sêndañguc êsêac, go jañgôm ñoc ñawasi êsa jaku Parao to nê siñwaga samob ma nê kareta to lau, tañ sêñgôn hos ñaô nañ tulu. ¹⁸ Aê embe jañgôm ñoc ñawasi êsa jaku Parao to nê kareta ma nê lau, tañ sêñgôn hos ñaô nañ, tulu su, go lau Aiguptu sêjala gebe aê Apômtau.”

¹⁹ Go Anôtônê anjela, tañ kêsêlêñ gêmuj lau Israel nêñ toñ nañ, gêwi mala siñ jakêdaguc êsêac. Ma tao majañ gêwi nêñmña siñ jakêkô êsêac dêmôêñmuña, ²⁰ ma geñ lau Aiguptu nêñ toñ to Israelnêñ toñ gêñgic. Ma tao majañ tau kêkêñ gêsunbôm ma toñ luagêc têtap tañ sa atom gêdêñ gêbêcauc samuc tonañ.

21 Go Mose kêmêtôc lêma kêsa gwêc ma Apômtau kêkêñ mu gêbuc anga gamêñ oc kêpiña gêdêñ gêbêc samuc tonañ ma gêgôm gwêc ñakelenj kêsa. Eñ gêwa gwêc kêkôc, 22 ma lau Israel sêsêp gwêc ñalêlôm jasêsêlêñ sêmoa gamêñ ñakelenj. Ma gwêc tau gêlêc sa kêtôm tunbôm kêkô makenj-makenj. 23 Lau Aiguptu sêjanda êsêac ma Paraonê hos samob to nê kareta sinja ma nê lau, tañ sêngônj hos ñaô nan, têdaguc êsêac sêsêp gwêc ñalêlôm sêja. 24 Gêu bônj kêsa ma Apômtau, tañ gêmoa tao majañ to tao ja ñalêlôm nan, kêtuc kêniñ kêsêp lau Aiguptu nêñ tonj ma kêlênsônj êsêac. 25 Eñ gêbôc nêñ kareta auc e kareta kêsêlêñ ñawapac sec. Tec lau Aiguptu sêsôm gebe “Taêc lau Israel sumañ, gebe Apômtau tau gêjac sinj gêdêñ aêac gêjô êsêac.”

26 Go Apômtau kêsôm gêdêñ Mose gebe “Ômêtôc lêmam êsa gwêc gebe gwêc êjô tau mala ma ênsalê lau Aiguptu to nêñ kareta sinja ma nêñ lau sêngônj hos ñaôña auc.” 27 Amboac tonañ Mose kêmêtôc lêma kêsa gwêc, tec gêdêñ gelenj mata gwêc gêjô tau mala kêtiam. Lau Aiguptu, tañ sêc su nan, sêlêti sêsêp gwêc ñalêlôm ma Apômtau kêkêñ gwêc kêsâlê lau Aiguptu auc. 28 Gwêc gêjô tau mala ma kêmakop Paraonê kareta to lau sêngônj hos ñaôña ma nê tonj samob, tañ têdaguc lau Israel sêsêp gwêc sêja nan. Êsêacnêñ tenj gêmoa kêtiam atom. 29 Mago lau Israel sêsêp gwêc jasêsêlêñ sêmoa gamêñ ñakelenj. Gwêc tau gêlêc sa kêtôm tunbôm kêkô makenj-makenj.

30 Gêdêñ bêc tonañ Apômtau gêjam lau Israel kêsi anga lau Aiguptu lemenj ñalêñ tonañ. Ma lau Israel sêlic lau Aiguptu nêñ ñacmatê sêc ambêo. 31 Ma lau

Israel sêlic kôm kapôên, taŋ Apômtau gêjam gêdêŋ taŋ geseŋ lau Aiguptu su naŋ, e têtêc Apômtau. Ma êsêac sêkêŋ gêwiŋ Apômtau to nê sakiŋwaga Mose.

15

¹ Go Mose to lau Israel sêjam wê

tonec gêdêŋ Apômtau gebe

“Aê gabe janam wê êndêŋ Apômtau, gebe eŋ kêwaka nê ŋawasi sa.

Eŋ kêbaliŋ hos to lau sêŋgôŋ ŋaôŋa sêsêp gwêc sêja.

² Apômtau kêtû ŋoc ŋaclaimôkê to ŋoc wê ŋam.

Eŋ kêtû moasiŋ ênam aê kêsiŋa.

Aêŋoc Anôtô eŋcoc, tec gabe jalambiŋ eŋ.

Eŋ kêtû tamocnê Anôtô, tec gabe jatoc eŋ sa.

³ Apômtau eŋ siŋsêlêc laŋgwa.

Ênê ŋaê gebe Apômtau.

⁴ “Eŋ kêbaliŋ Paraonê kareta to nê siŋwaga sêsêp gwêc sêja.

Ma siŋwaga, taŋ Parao kêjaliŋ sa naŋ, sênôm Gwêckoc su sêjaŋa.

⁵ Gwêc ŋadembom kêmakop êsêac auc.

Êsêac sênê sêsêp gêdimbob amboac poc.

⁶ O Apômtau, aôm lêmam anôŋa kêwaka ŋaclai sa,

O Apômtau, aôm lêmam anôŋa kêtuc ŋacjo popoc.

⁷ Aôm ŋaniniŋ to ŋawasi ŋatau kôku nêŋ soŋo-soŋo tulu.

Aôm têtmac ŋandaŋ kêsa, tec geŋ êsêac amboac ja geŋ oba.

⁸ Aôm gôju awamjaô kêsa ma gwêc gêlêc tau sa e kêkô kêtôm tunbôm

ma gwêc ŋadimdani tau ŋajaŋa kêsa kêkô.

⁹ ŋacjo kêsôm gebe ‘Aê jajanda e jaôc lêlêc êsêac.

Aê janac sam waba, tañ jajaŋgo anga êsêacnêḡ naḡ,
ma matoc katu gêḡ teḡ êtiam atom.

Aê jambuc ḡoc siḡ sa ma lemoc enseḡ êsêac su.'

¹⁰ Aôm nêḡ mu gêbuc e gwêc kêmakop êsêac auc.

Êsêac sêḡ sêsêp gwêc kapôḡ sêja têtôm ki gêḡ.

¹¹ "O Apômtau, anôtôinêḡ asa kêtôm aôm.

Asa ḡaniniḡ to dabuḡ ma gêgôm gêḡsêga toḡaclai
to gêgôm gêḡtalô kaiḡ teḡ kêtôm aôm.

¹² Aôm kômêtoç lêmam anôḡa

ma nom kêdaḡḡêḡ êsêac.

¹³ "Aôm gôwê lau, taḡ kôjaliḡ sa naḡ, totêmtac gêwiḡ
teḡgeḡḡa,

Aôm gôwê êsêac ḡa nêḡ ḡaclai sêô lasê nêḡ gamêḡ
dabuḡ.

¹⁴ Lau tomôkê-tomôkê sêḡô ḡawae e têtênêp.

Lau, taḡ sêḡḡêḡ Pilistinêḡ gamêḡ naḡ, sêmoa tonêḡ
ḡalêlôm ôluḡ-ôluḡgeḡ.

¹⁵ Gêdêḡ têm tonarḡ lau Edom nêḡ kasêga têtakê,

lau Moab nêḡ laumata têtênêp,

ma lau samob, taḡ sêḡḡêḡ Kanaan naḡ, nêḡ
ḡalêlôm kêtû palê.

¹⁶ Êsêac têtakê ma têtêc taḡḡ ḡanô.

O Apômtau, aôm lêmam ḡaḡaclai gêgôm êsêac
awerḡmê kêsa têtôm poc

e aôm nêḡ lau sêôc lêlêc êsêac,

e lau, taḡ aôm ḡôjam ḡoliḡ naḡ, sêôc lêlêc êsêac.

¹⁷ Aôm gobe ôwê êsêac e ôsa êsêac sêsêp aôm taôm
nêḡ lôc.

O Apômtau, aôm ôsa êsêac sêsêp nom, taḡ kêtû nêḡ
gamêḡ naḡ.

O Apômtau, gamêñ tonañ êtu nê m lôm dabuñ, tañ lêmam kêmasañ nañ.

18 Apômtau êtu kin tengeñ ma tengeñ.”

19 Paraoñê hos to nê kareta ma lau sêngôn hos ñaôña sêsêp gwêc sêja, mago Apômtau kêkêñ gwêc gêjô tau mala jakêmakop êsêac auc. Ma lau Israel sêsêlêñ sêmoa gamêñ ñakelen sêmoa gwêc lêlômgen sêja.

20 Go Aron luo, Miriam, tañ kêt u tengeñ nañ, kêkôc on saun tengeñ ma lauo samob tédaguc engeñ toongeñ ma têtê wê. 21 Ma Miriam gêjam wê gêdêñ êsêac gebe Anam wê êndêñ Apômtau, gebe engeñ kêwaka nê ñawasi sa, Engeñ kêbaliñ hos to lau sêngôn ñaôña sêsêp gwêc sêja.

Mara ñabu ñamakic

22 Go Mose kêjatu lau Israel gebe sêndi anga Gwêckoc ma gêwê êsêac sepeñ gamêñ sawa Surña. Êsêac sêsêlêñ bêc têlêac sêmoa gamêñ sawa ma têtap bu tengeñ sa atom. 23 Gêdêñ tañ sêô lasê Mara nañ, êsêac têtôm gebe sênôm bu Maraña atom, gebe bu tau ñamakic. Gamêñ tau ñaê Mara ñam gebe Bu ñamakic. 24 Ma lau sêli awen sa gêdêñ Mose ma sêsôm gebe “Aêac anôm asagengeñ.” 25 Ma engeñ gêmôêc gêdêñ Apômtau. Ma Apômtau kêtôc ka tengeñ gêdêñ engeñ. Mose kêbaliñ ka tau kêsêp bu ma bu tau ñaluc kêsa.

Angeñ tônê Apômtau kêkêñ ñagôlingeñ to jatu gêdêñ êsêac ma kêsaê êsêac. 26 Engeñ kêsôm gebe “Aôm embe tañam wamu Apômtau, aôm nê m Anôtô, nê awa ma ôngôm ênê ñagôlingeñ êtu tôngeñ, go jakêñ gêmac, tañ kakêñ gêdêñ lau Aiguptu nañ, ñateñ engeñôm aôm atom, gebe aê Apômtau, tañ gagôm aôm ôlim ñajam kêsa nañ.”

²⁷ Go êsêac jasêo lasê Elim. Bumata 12 kêpoac gamêñ tonañ ma nip 70 kêkô. Ma êsêac sê nêñ bec sêmoa bu ñagala.

16

Anôtô kêkêñ mana

¹ Êsêac dêdi anğa Elim ma Israelnêñ gôlôac samob sêo lasê gamêñ sawa Sin, tañ gêc Elim to Sinai ñasawa. Êsêac sêwi Aiguptu sin ma sêmoa gamêñ sawa e têtap ajônê kêtú luagêcña ñabêc 15 sa, ma sêo lasê gamêñ tonañ. ² Ma Israelnêñ gôlôac samob sêli awen sa gêdên Mose agêc Aron anğa gamêñ sawa ³ ma sêsôm gêdên êsêagêc gebe “Aêac abe Apômtau lêma ensey aêac su anğa gamêñ Aiguptuñaman. Gêdên tonañ aêacma ku togwada kêkô to anğôn moasu ñaô. Amagêc awê aêac asa gamêñ sawa amên gebe mo êjô aêac samob êndú.”

⁴ Go Apômtau kêsôm gêdên Mose gebe “Ôlic acgom, aê gabe jakên polom êndên amac anğa undambê amboac kom. Ma lau sêsa sêna to sejon polom êtôm bêcgeñña êndên bêc samob, gebe jansaê êsêac gebe sêmoa ñoc biñsu ñalabu me masi.

⁵ Êndên bêc êtu 6ña embe sêmansañ polom, tañ sejon sa nan, oc polom bêc tagenña tau êtu taêsam êtôm bêc luagêcña.” ⁶ Go Mose agêc Aron sêsôm

gêdên lau Israel samob gebe “Êndên êtula amac oc ajala gebe Apômtau gêwê amac asa anğa gamêñ Aiguptuñaman. ⁷ Ma êndên elen bêbêc amac oc alic Apômtaunê ñawasi, gebe en gênô amac ali awem sa gêdên en tau, gebe aêagêc asa, tec ali awem sa gêdên aêagêc.” ⁸ Ma Mose kêsôm gebe

“Êndêñ êtula Apômtau êkêñ gwada êndêñ amac aniñ, ma êndêñ elen bêbêc êkêñ amac aṅgôn moasu ṅaô. Gebe Apômtau tau gêñô amac ali awem sa gêdêñ eñ. Aêagêc asa. Amac ali awem sa gêdêñ aêagêc atom, ali awem sa gêdêñ Apômtau.”

⁹ Go Mose kêsôm gêdêñ Aron gebe “Ôsôm êndêñ lau Israel nêñ gôlôac samob gebe ‘Amêñ atu gasuc andêñ Apômtau amêñ, gebe eñ gêñô amac ali awem sa sugac.’ ” ¹⁰ Ma gêdêñ tañ Aron kêsôm biñ gêdêñ lau Israel nêñ gôlôac nañ, êsêac sêkac tañ ôkwi gêdêñ gamêñ sawa ma sêlic Apômtaunê ṅawasi geoc tau lasê ṅa tao tenj. ¹¹ Ma Apômtau kêsôm gêdêñ Mose gebe ¹² “Aê gañô lau Israel sêli awen sa. Ôsôm êndêñ êsêac gebe ‘Êndêñ êtula amac oc aniñ gwada ma êndêñ elen bêbêc aṅgôn moasu ṅaô. Gocgo ajala gebe Apômtau, amacnêm Anôtô, aê.’ ”

¹³ Gêdêñ kêtula kêmbico mênșsêsa e sêjam gamêñ, tañ bec kêkô nañ, auc. Ma gêdêñ bêbêcgeñ manij gêjam gamêñ tau auc. ¹⁴ Manij gê su acgom, go gêñ ṅasec-ṅasec to kuku kêtôm mêcgauc gêc nom. ¹⁵ Lau Israel sêlic gêñ tau ma sêsôm gêdêñ tañ gebe “Tonec asageñ.” Gebe êsêac sêjam kauc gêñ tau. Ma Mose kêsôm gêdêñ êsêac gebe “Polom, tañ Apômtau kêkêñ gêdêñ amac gebe aniñ nañ, tonec. ¹⁶ Ma Apômtau tau kêjatu biñ amboac tonec gebe ‘Amac samob êndêñ-êndêñgeñ ajon gêñ sa êtôm amac aniñṅa. Ajon lita luagêc sa êtôm ṅacanôgeñ. Amboac tonañ asa lau, tañ sêṅgôn amacnêm bec sêwiñ amac nañ sa, go ajon sa êtôm namba tau tonañgeñ.’ ” ¹⁷ Ma lau Israel sêgôm kêtôm tonañ. Lau ṅagêdô sejon ec kapôên, ṅagêdô sejon ec ṅagec. ¹⁸ Mago gêdêñ tañ sêjam dôn gêñ tau ṅa dôn laclu

nan, nac tan kejon ec kapôên nan, kêkôc kêlêlêc laclu ten su atom, ma nac, tan kejon ec nagec nan, kêpô lêna atom. Êsêac samob sejon sa kêtôm êsêac sêniŋŋa solopgen. ¹⁹ Ma Mose kêsôm gêdên êsêac gebe “Nac ten êkên nageđô ênêc e elenŋa atom.” ²⁰ Mago êsêac sêkên tanen en atom. Lau nageđô tetoc napanoc gêc e gelenŋa, tec gên tau kêtú sec ma têmoa gêjam auc ma nasu kêsa. Ma Mose têtac nandan kêsa gêdên êsêac. ²¹ Kêtôm bêbêcgen samob êsêac sejon gên tau sa e kêtôm êsêac gebe sêniŋnagen. Mago gêdên tan oc nandan kêsa nan, gên tau gêwê.

²² Gêdên nabêc kêtú 6ŋa êsêac sejon polom kêtôm bêc luagêcŋa. Êsêac sejon laclu luagêc-luagêc kêtôm nacanôgen. Ma gôlôacnên laumata dêdên Mose jasêjac namin gêdên en. ²³ Ma en kêsôm gêdên êsêac gebe “Bin tonec Apômtau kêjatu gebe ‘Elenŋa bêc talêwan taunŋa ten. Bêc tau kêtú Apômtaunê sabat dabun. Gên tan amac abe apac nan, apacman. Ma gên, tan amac abe ano nan, anoman. Ma gên nageđô, tan gacgen gêc nan, ênêc e elenŋa acgom.’” ²⁴ Amboac tonan êsêac deden gên nageđô gêc e gelenŋa, kêtôm Mose kêjatu êsêac. Ma gên tau kêtú sec atom ma têmoa kêsêp atom. ²⁵ Mose kêsôm gebe “Ocsalô anin gên tau gebe ocsalô kêtú Apômtaunê sabat. Ocsalô amac oc atap gên ten sa anŋa kôm atom. ²⁶ Ajon gên tau sa êtôm bêc 6, mago êndên bêc êtu 7ŋa, tan êtu sabat nan, oc atap gên ten sa atom.” ²⁷ Gêdên bêc kêtú 7ŋa lau nageđô sêsa sêja sebe sejon gên tau, mago têtap gên ten sa atom. ²⁸ Ma Apômtau kêsôm gêdên Mose gebe “Amac adec ŋoc jatu to binŋu ma asô nlabu atom e êndên ondogen.

29 Ôlic acgom, aê Apômtau kakêñ sabat gêdêñ amac. Kêtu tonanña kakêñ polom kêtôm bêc luagêc gêdêñ bêc kêtû 6ña. Êndêñ bêc êtu 7ña amacnêm lau samob sêngôn nêñ malenğen. Nac teñ êwi nê mala siñ atom.” 30 Amboac tonan lau sêlêwan taun gêdêñ bêc kêtû 7ña.

31 Ma lau Israel sêsam gêñ tau gebe Mana. Gêñ tau sêpsêp kêtôm mêcgauc ma nasaê kêtôm polom tolêp. 32 Ma Mose kêsôm gebe “Apômtau kêjatu biñ tonec gebe ‘Akôc gêñ tau laclu teñ ma amansan ênêc gebe nêm gôlôac namanña sêlic polom, tañ kakêñ gêdêñ amac aenğ anğ gamêñ sawa gêdêñ tañ gawê amac asa anğ gamêñ Aiguptunña amêñ nan.’” 33 Ma Mose kêsôm gêdêñ Aron gebe “Ôkôc ku teñ ma ôkêñ mana laclu teñ êsêp ma otoc ku tau êkô Apômtau lanônemña gebe ênêc e nêm gôlôac namanña sêlic amboac tonanğen.” 34 Amboac tonan Aron ketoc ku tau kêkô katapa poacña nanemña gebe ênêc kêtôm tañ Apômtau kêjatu gêdêñ Mose nan. 35 Ma lau Israel señ mana tau kêtôm jala 40 e sêo lasê gamêñ, tañ namalac sêngôn nan. Êsêac señ mana e sêo lasê gamêñ Kanaan namadiñ. 36 (Dôn sêjam dôn gêñ nakelenña gêdêñ têm tonan kêkôc kêtôm 20 lita.)

17

Bu kêsâ poc

1 Lau Israel nêñ gôlôacmôkê samob dêdi anğ gamêñ sawa Sin. Êsêac sêsêlêñ ma sêlêwan taun tosawa-tosawa kêtôm Apômtaunê jatu e sê nêñ bec anğ Repidim. Mago bu gebe lau sênômña masi. 2 Kêtu tonanña êsêac sêli awenğ sa gêdêñ Mose

ma sêsôm gebe “Ôkêñ bu êndêñ aêac anôm.” Ma Mose kêsôm gêdêñ êsêac gebe “Amac ali awem sa gêdêñ aê kêtú asageñña. Amac asaê Apômtau kêtú asageñña.” ³ Ma bu gêjô lau anğa tônê, tec sêli awen sa gêdêñ Mose ma sêsôm gebe “Aôm gôwê aêac asa anğa Aiguptu mênasa tonec gebe bu êjô aêac to ma gólôac ma bulimakao samob êndu kêtú asageñña.” ⁴ Amboac tonan Mose gêmôêc gêdêñ Apômtau gebe “Aê janğom lau tonec amboac ondoc. Saunğen, go têtuc aê ña poc êndu.” ⁵ Ma Apômtau kêsôm gêdêñ Mose gebe “Ôkôc lau Israel nêñ laumata ñagêdô ma asêlêñ aôc lêlêc’ lau naamun. Ômênğom tôc, tan kôkôc gêdêñ gôjac bu Nil nan, ma ôsêlêñ. ⁶ Ôlic acgom, aê jakô aôm ñamata anğa poc kapôêñ Horebña ma aôm ônac poc tau, go bu êsa gebe lau sênôm.” Mose gêgôm amboac tonan, ma lau Israel nêñ laumata sêlic. ⁷ En gê gamêñ tonan ñaê gebe Masa to Meriba, ñam gebe sêli awen sa gêdêñ Mose to sêsaê Apômtau ña bin, tan sêsôm gebe “Apômtau gêmoa gêwiñ aêac me masi.

Lau Israel sêjac sinj gêdêñ lau Amelek

⁸ Go lau Amelek sêo lasê ma sêjac sinj gêdêñ lau Israel anğa Repidim. ⁹ Ma Mose kêsôm gêdêñ Josua gebe “Ôjaliñ lau sa ma elen bêbêc asêlêñ naanac sinj êndêñ lau Amelek. Aê tauc jamênğom Anôtônê tôc najakô gamêñ ñabau.” ¹⁰ Amboac tonan Josua gêgôm bin, tan Mose kêsôm gêdêñ en nan, ñanô kêsá ma gêjac sinj gêdêñ lau Amelek. Ma Mose agêc Aron ma Hur jasêpi gamêñ ñabau tau sêja. ¹¹ Gêdêñ tan Mose gêôc lêma sa nan, lau Israel sêjac lau Amelek ñapan. Mago gêdêñ tan Mose kêlêwan lêma ñasawa

ḡagêdô nan, lau Amelek sêjac lau Israel. ¹² Mago Mose lêma gêmac. Amboac tonan tec Aron agêc Hur sêkôc poc tenj mênjsêkênj Mose gêngônj ḡaô, go êsêagêc sêsip enj lêma sa. ḡac tenj kêkô ḡamakenj ma tenj kêkô ḡamakenj. Tec sêôc Mose lêma tôḡ ḡanḡenḡen e oc jakêsêp. ¹³ Ma Josua gesenj Amelek to nê lau su ḡa sinj ḡamata.

¹⁴ Ma Apômtau kêsôm gêdênj Mose gebe “Oto binj tonec êsêp buku tenj, gebe lau taênj ênam ma ôndônj êndênj Josua e êtu tôḡ enj, gebe aê jansenj lau Amelek nênj waenj anḡa umbonj ḡalabu su ênaḡa samucḡenj.”

¹⁵ Ma Mose gêboa altar tenj sa ma kêsam ḡaê gebe “Apômtau kêtú ḡoc gêbôm,” ¹⁶ ma kêsôm gebe” Lemenj êndênj Apômtaunê gêbôm. Apômtaunê sinj oc ênêc gôlôac togôlôacḡenj êtu lau Amalekḡa.”

18

Mosenê lawa Jetro gêwa lênj tenj sa gêdênj enj, tec Mose kêjalinj lau ḡanḡênj ḡagêdô sa têtú mêtôcwaḡa gebe sêmansanj to sêmêtôc launênj binj ḡasawaḡa.

19

Lau Israel sêmoa Lôc Sinai ḡalabu

¹ Lau Israel sêwi gamênj Aiguptunḡa sinj e ḡaajônj kêtú têlêac, go sêô lasê gamênj sawa Sinaiḡa. ² Êsêac dêdi anḡa Repidim ma sêsêlênj e sêô lasê gamênj sawa Sinaiḡa ma sê nênj bec anḡa gamênj sawa tonan sêngônj sêkanônj lôc tau. ³ Ma Mose kêpi lôc gêdênj Anôtô gêja. Ma Apômtau awa gêjac enj anḡa lôc ma kêsôm gebe “Ôsôm binj amboac tonec êndênj Jakobnê gôlôac to ôkênj ḡawae êndênj lau Israel gebe ⁴ Amac taôm alic gênj, tanj gagôm gêdênj lau Aiguptu.

Amac alic, gebe aê kabalan amac amboac momboan kêbalan njalatu sêngôn nê magê njaô, ma kajon amac adên aê amên. ⁵ Amboac tonan amac embe tanem wamu aê aoc ma ajop noc poac, go atu aê tauc noc gêñ anga lau nomña samob nêñ, gebe nom samucgen njatau aê. ⁶ Amac oc atu noc gamên kinña njadabuñwaga to atu noc lau dabuñ m ten. Biñ tau tonan aôm ôsôm êndên lau Israel.”

⁷ Amboac tonan Mose gêdên lau gêja ma gêmôêc êsêacnên laumata ma kêkên biñ samob, tañ Apômtau kêjatu en nan, nawae gêdên êsêac. ⁸ Go lau samob sêlôc selenjen ma sêsôm gebe “Biñ samob, tañ Apômtau kêsôm nan, aêac abe anôm nanô êsa.” Ma Mose gêjac miñ launên biñ tonan gêdên Apômtau. ⁹ Ma Apômtau kêsôm gêdên Mose gebe “Ôlic acgom, aê jandên aôm jawac jamoa tao majan njalêlôm. Ma embe jasôm biñ êndên aôm, go lau sênô ma sêkên êwiñ aôm enden tônjen.”

Ma Mose gêjac miñ launên biñ gêdên Apômtau. ¹⁰ Ma Apômtau kêsôm gêdên Mose gebe “Ôndên lau ôna ma ôsôm êndên êsêac gebe sênam dabuñ taun êndên galoc ma elenña. Êsêac sêkwasiñ nêñ nakwê, ¹¹ ma êndên bêc êtu têlêacña êsêac sêmansañ taun e êmbacnê, gebe êndên bêc êtu têlêacña tonan aê Apômtau jasêp lôc Sinai jawac ma lau samob sêlic. ¹² Ônac belo êñgi lôc auc êtu madiñ ma ôsôm êndên lau gebe ‘Ajop taôm gebe api lôc tau atom ma amoasac namadiñ tau atom. Nac, tañ êmoasac lôc nan, senseñ en su ênaña. ¹³ Lau ten lemeñ sêmoasac en atom. Êsêac oc têtuc en ña poc me sêpê en êndu. Bôc me namalac, tañ sêmoasac lôc nan, sêmoa atom,

sênaŋa.’ Êndêŋ taŋ dauc êtaŋ ê tôŋ baliŋeŋ naŋ, êsêac sêpi lôc sêmêŋ.”

¹⁴ Amboac tonanŋ Mose kêsêp anŋa lôc gêdêŋ lau gêja ma kêsôm gêdêŋ êsêac, gebe sênam dabuŋ taunŋ. Ma êsêac sêkwasiŋ nêŋ ŋakwê. ¹⁵ Ma eŋ kêsôm gêdêŋ lau gebe “Amansaŋ taôm e êmbacnê êndêŋ bêc êtu têlêacŋa ma andambiŋ lauo atom.”

¹⁶ Gêdêŋ bêc kêtû têlêacŋa ŋabêbêcgeŋ naŋ, wapap gêjac to ôsic kêkac ma tao majanŋ teŋ kêkôm lôc auc. Ma dauc kêtaŋ kapôêŋ e lau samob, taŋ sêŋgônŋ gamêŋ becŋa naŋ têtêŋêp. ¹⁷ Go Mose gêwê lau sêsa anŋa gamêŋ becŋa sêja gebe sêpuc Anôtô tôŋtônŋ. Ma êsêac sêkô lôc tau ŋalabu. ¹⁸ Jadaunŋ kêkôm lôc Sinai auc gebe Apômtau kêsêp lôc gêmêŋ gêmôa ja ŋalêlôm. Ma jadaunŋ kêpi kêtôm ja geŋ oba ma lôc kêwiwic tau ŋasec. ¹⁹ Dauc kêtaŋ kêtû kapôêŋ-kêtû kapôêŋ e ŋadiŋdiŋ sec. Ma Mose kêsôm biŋ, go Anôtô géjô eŋ awa ŋa wapap. ²⁰ Ma Apômtau kêsêp lôc Sinai ŋatêpôê gêmêŋ. Ma Apômtau gêmôêc Mose gebe êpi lôc ŋatêpôê êna, ma Mose kêpi gêja. ²¹ Ma Apômtau kêsôm gêdêŋ Mose gebe “Ôsêp ôndêŋ lau naôkêŋ puc êsêac gebe sêŋgêli ŋamadiŋ êtu sêlic aêŋa nec atom. Embe sêŋgôm, oc taêsam sênaŋa. ²² Ma ôsôm êndêŋ dabuŋwaga, taŋ sêndambiŋ aê naŋ, gebe sênam dabuŋ taunŋ amboac tonanŋeŋ. Embe masi, go aê janac êsêac êwiŋ.” ²³ Ma Mose kêsôm gêdêŋ Apômtau gebe” Lau tau têtôm gebe sêpi lôc Sinai atom, gebe aôm kôjatu gebe ‘Anac belo anŋi lôc auc êtu madiŋ ma anam dabuŋ lôc tau.’ ” ²⁴ Ma Apômtau kêsôm gêdêŋ eŋ gebe “Ôsêp ôna ma ôkôc Aron agêc api amêŋ êtiam. Mago dabuŋwaga to lau sêŋgêli ŋamadiŋ êtu sêpi

sêndêḅ aê sêmêḅḅa nec atom. Embe sêḅgôm, go janac êsêac.”²⁵ Amboac tonan Mose kêsêḅ gêdêḅ lau jakêkêḅ ḅawae gêdêḅ êsêac.

20

Biḅsu lemeḅ lu

¹ Ma Apômtau kêsôm biḅ samob tonec ḅai gebe

² “Apômtau, aômḅnêḅ Anôtô, aê. Aê gawê aôm kôsa anḅa gamêḅ Aiguptuḅa gômôêḅ, kôsa anḅa andu gêḅômaḅa.

³ “Ônam sakiḅ anôtôi jaba êwiḅ atom, ônam sakiḅ aê taucgeḅ.

⁴ “Ôḅgôm gêḅ, taḅ gêḅmoa undambê me gêḅmoa nom me gêḅmoa bu, taḅ kêḅoac nom ḅalêlôm nan, ḅateḅ ḅakatu ênam gêḅ tau lanô atom. ⁵ Owec êndêḅ gwam tonan to ônam sakiḅ gêḅ tau atom, gebe aê Apômtau, aômḅnêḅ Anôtô, gajob ḅoc lau gebe têtac êwiḅ aê taucgeḅ nec. Aê jakêḅ lau, taḅ têtac gedec aê nan, nêḅ geo ḅagêḅjô êḅi êsêac latuḅi to dêḅuḅi ma abeḅi. ⁶ Mago aê jakêḅ moasiḅ êndêḅ lau, taḅ têtac gêwiḅ aê to sêmasan aêḅoc biḅsu nan, nêḅ gôlôac to gôlôac ḅêḅgeḅ êna.

⁷ “Ôjaiḅ Apômtau, aômḅnêḅ Anôtô, nê ḅaê atom gebe Apômtau oc êmêḅôc ḅac, taḅ êjaiḅ ênê ḅaê nan.

⁸ “Taêm ênam sabat gebe dabuḅ ma ômansan ḅapeḅ. ⁹ Êndêḅ bêc 6 aôm ônam kôm to ôḅgôm nêḅ gêḅ samob. ¹⁰ Mago bêc êtu 7ḅa êtu Apômtau, aômḅnêḅ Anôtô, nê sabat. Êndêḅ bêc tonan aôm ônam kôm teḅ atomanô. Aôm to nêḅ latômio to ḅac ma nêḅ sakiḅwagao to ḅac ma nêḅ bulimakao to lau jaba, taḅ sêḅgôḅ sêwiḅ aôm nan, anam kôm

tenj atom amboac tonanjen. ¹¹ Gebe gêdênj bêc 6 Apômtau kêkênj undambê to nom ma gwêc to njagênj samob, tanj sêmoa maten jali nanj. Ma gêdênj bêc kêtû 7ña nanj, enj kêlêwanj tau. Kêtû tonanña Apômtau gêjam mec sabat tau ma gêjam dabunj.

¹² “Otoc tamam agêc tênam sa, gebe ômoa njasawa baliñ anga gamênj, tanj Apômtau, aômnêm Anôtô, êkênj êndênj aôm nanj.

¹³ “Ônac ñamalac êndu atom.

¹⁴ “Ôngôm gêñ mockainjo to mockainña atom.

¹⁵ “Ônam genjenj atom.

¹⁶ “Ônga binj êpi lau wacbanj aôm atom.

¹⁷ “Matam katu lau wacbanj aôm nêñ andu atom. Matam katu lau wacbanj aôm nêñ awê to sakinwagao to ñac ma bulimakao to donki ma gênj njagêdô tenj atom.”

Lau têtêc tauñ

¹⁸ Lau samob sêsaê wapap gêjac to ôsic kêkac ma dauc kêtanj ñakicsêa to jadaunj kêsa lôc tau ma têtêc tauñ e têtênêp ma sêkô jaêcgenj. ¹⁹ Ma êsêac sêsôm gêdênj Mose gebe “Aôm taôm ôsôm binj êndênj aêac ma aêac akênj tanjenj. Anôtô embe êsôm binj êndênj aêac, oc amac êndu.” ²⁰ Ma Mose kêsôm gêdênj lau gebe “Atêc taôm atom, gebe Anôtô gêmênj gebe ênsaê amac, ec taêm ênam binj atêc enña napanj gebe anngôm sec atom.”

²¹ Gêdênj tanj Mose kêtû gasuc tao majanj, tanj Anôtô gêmoa ñalêlôm nanj, lau sêkô jaêcgenj.

20:22–23:33 Biñsu to njagôlinj njagêdô kêsêp njasêbu tonec. Biñsu njagêdô kêmasanj launênj lêñ sêmoasinj nêñ lau jabanj êsêacña napep. Biñsu njagêdô gêwa

lên tamêôtôc lau, tañ sêgôm sec tokaiñ-tokaiñ nañ, jagêdêngeñña sa. Ñagôliñ ñagêdô kêkanônñ lau-sêmêôtôc-binwaganênñ kôm. Ñagêdô kêmasañ lên tajô launênñ gên, tañ dagôm kêtú sec nañña. Ma ñagêdô kêjatu om ñasakiñ to sakiñ om toê-toê, tañ lau Israel sêlic kêtôm jalagen nañña.

24

Sêmoatiñ poac kêtú tôn

¹ Ma Apômtau kêsôm gêdênñ Mose gebe “Amagêc Aron ma Nadab agêc Abihu ma Israelnênñ laumata 70 api andênñ aê amênñ ma atenñ mec akô jaêcgeñ. ² Mose taugenñ êtu gasuc aê. Lau ñagêdô têtú gasuc atom ma lau sêpi sêwiñ enñ sêmênñ atom.”

³ Go Mose gêdênñ lau gêja ma kêkênñ Apômtaunê binjsu to ñagôliñ samob ñawae gêdênñ êsêac. Ma lau samob sêlôc sa awenñ tagenñ gebe “Binñ samob, tañ Apômtau kêsôm nañ, aêac abe anğôm ñanô êsa.”

⁴ Ma Mose keto Apômtaunê binñ samob sa. Ma gêdênñ bêbêc kanucgeñ enñ gêdi sa ma gêboa altar tenñ sa kêkô lôc ñalabu ma gêjac alê poc 12 sa kêtôm lau Israel nêñ gôlôacmôkê 12. ⁵ Go enñ kêjatu lau Israel nêñ lau wakuc ñagêdô gebe sêkênñ daja ma sêmbuc bulimakao kapoac wakuc ma sêkênñ têtú dawama êndênñ Apômtau. ⁶ Ñadec ñamakenñ Mose kêkênñ kêsêp laclu tenñ. Ñadec ñamakenñ enñ kêpalip kêpi altar. ⁷ Go kêkôc poac ñabuku ma kêsam lasê gêdênñ lau sênô. Ma êsêac sêsôm gebe” Binñ samob, tañ Apômtau kêjatu nañ, aêac abe anğôm ñanô êsa ma tañenñ wamu binñ tau.” ⁸ Go Mose kêkôc dec, tañ kêpoac laclu nañ, jakêpalip kêpi lau ma kêsôm gebe “Alic acgom, poac, tañ Apômtau kêmoatiñ gêdênñ

amac kêdaguc biñ samob tonañ ñai nañ, ñadec tau tonec.”

⁹ Go Mose agêc Aron ma Nadab agêc Abihu to Israelnêñ laumata 70 sêpi lôc sêja, ¹⁰ ma êsêac sêlic Israelnêñ Anôtô. Ma gamên, tan enj kêkô nañ, amboac masac pocawa ma ñakêñkêngosu kêtôm undambê tau. ¹¹ Ma Apômtau lêma gêjac lau Israel nêñ kasêga tonañ atom. Êsêac sêlic Anôtô ma senj to sênôm gêñ.

Mose gêmoa lôc Sinai

¹² Ma Apômtau kêsôm gêdênj Mose gebe “Ôpi lôc ôndênj aê mênjôônj ômoa tonec acgom. Aê gabe jakêñ poc tapa tau êndênj aôm. Aê kato biñsu to jatu kêsêp gebe lau sêjala.” ¹³ Amboac tonañ Mose gêdi tonê sakinwaga Josua ma sêpi Anôtônê lôc sêja. ¹⁴ Ma Mose kêsôm gêdênj laumata gebe “Amoa tonec e aêagêc amu amênj êtiam. Aron agêc Hur sêmoa sêwiñ amac. Ñac tenj nê biñ tenj embe êlênsônj, go êndênj êsêagêc êna.”

¹⁵ Go Mose kêpi lôc gêja ma tao kêkôm lôc tau auc. ¹⁶ Apômtaunê ñawasi kêsêp lôc gêmênj, ma tao kêkôm lôc tau auc kêtôm bêc 6. Gêdênj bêc kêtû 7ña Apômtau awa gêjac Mose kêsa anja tao ñalêlôm. ¹⁷ Gêdênj tonañ lau Israel sêlic Apômtaunê ñawasi kêtôm ja ñawaô gêlanj-gêlanj anja lôc ñatêpôê. ¹⁸ Ma Mose kêsô tao ñalêlôm jakêpi lôc. Ma enj gêmoa lôc kêtôm geleñña 40 ma gêbêcauc 40.

25

25:1–31:17 Ñasêbu tonec gêwa Lômbec ñadônj to ñakôm ma ñagêñlêlôm samob sa. Gêwa sakinj dabunj ñawaba ma dabunjwaganênj ñakwê to gêlônj

sa. Nagôlinj sênam mec dabunwagaŋa kêsêp ŋasawa tonanj amboac tonanjenj. Binj tonanj kêjatu da to takis tokainj-tokainj. Gêŋ samob tonanj ŋai gebe ênam lau Israel sa gebe sêkwê nêŋ Lômbec to sênac Lôm tau ŋagêŋlêlôm sa ma sêlic nêŋ om êtôm ŋagôlinjenj.

31

Bulimakao ŋakatu

¹⁸ Apômtau gêjac dabinj nê binj gêdêŋ Mose anja lôc su, go kêkêŋ binjsu ŋatabele luagêc, poc tapa luagêc, tanj Anôtô tau lêma keto binj kêsêp nanj.

32

¹ Gêdêŋ tanj lau sêlic gebe Mose kêsêp anja lôc gêmêŋ atom e ŋêŋgenj nanj, êsêac sêkac tauŋ sa sêgi Aron auc ma sêsôm gêdêŋ enj gebe “Ajôc, ômansan ma anôtô tenj, gebe êsêlêŋ êmunj aêac. Aêac ajam kauc asagenj gêgôm Mose, ŋac tau, tanj gêwê aêac anja Aiguptu amêŋ nanj.” ² Ma Aron kêsôm gêdêŋ êsêac gebe “Akôc nêŋ lauo ma latômio to ŋac nêŋ salasa gold su ma ajonj andêŋ aê amêŋ.” ³ Amboac tonanj lau samob sêkôc salasa gold su ma sejonj dêdêŋ Aron sêja. ⁴ Ma enj kêkôc gold tau su anja êsêac lemeŋ ma kêpac kêsêp ku e gêwê ma gêgôm bulimakao ŋalatu ŋakatu tenj. Go êsêac sêsôm gebe “O Israel, nêŋ anôtô, tanj gêwê aôm anja gamêŋ Aiguptunja gômôêŋ nanj, tau tonec.” ⁵ Aron gêlic gêŋ tonanj, go gêboa altar tenj kêkô ŋakatu tau lanjônêŋma ma kêsôm gebe “Eleŋŋa aêac talic om tatoc Apômtau saŋa tenj.” ⁶ Ma êsêac dêdi gêdêŋ bêbêc kanucgenj ma sêkêŋ daja to dawama. Ma lau

sêngôn sic sen to sênôm gêñ ma dêdi sa sebe sêngôm dôa-dôa.

⁷ Go Apômtau kêsôm gêdêñ Mose gebe “Ôsêp ôna, gebe nê m lau, tañ gôwê anga Aiguptu sêmêñ nañ, sêgôm tauñ têtú sec. ⁸ Êsêac sêkac tauñ su seben anga intêna, tañ kajatu êsêac gebe sêsana nañ. Êsêac sêmasañ bulimakao ñalatu ñakatu teñ ña gold, tañ gêwê nañ, ma teten mec to sêkêñ da gêdêñ gêñ tau ma sêsôm gebe ‘O Israel, aômnêm anôtô, tañ gêwê aôm anga Aiguptu gômôêñ nañ, tau tonec.’” ⁹ Ma Apômtau kêsôm gêdêñ Mose gebe “Aê galic lau tonañ ma kajala êsêac gebe lau gêsuntêkwa ñaton sec. ¹⁰ Amboac tonañ ôwi aê siñ jamoa ñoc tauña, gebe aê têtac ñandanñ ñaja êkwanam êsêac. Tagen aôm, tec jakêñ aôm ôtu lau-m kapôêñ.”

¹¹ Mago Mose keten nê Apômtau Anôtô gebe “O Apômtau, êtu agenña aôm têtac ñandanñ ñaja enen nê m lau, tañ gôwê êsêac tonac lai kapôêñ ma lêmam ñajana sêsa anga gamêñ Aiguptuña sêmêñ nañ su. ¹² Amboac ondoc lau Aiguptu oc sêsôm gebe ‘Kec, en kêsau êsêacgoc. En gêwê êsêac sêsa sêja, gebe ênac êsêac êndu anga lôc to enen êsêac su anga nom ñagamêñ samob.’ Tec ôwi aôm têtac ñandanñ kapôêñ siñ ma ônam nê m ñalêlôm ôkwi ma ôngôm sec, tañ gobe ôngôm êndêñ nê m lau nañ atom. ¹³ Taêm ênam nê m sakinwaga Abraham agêc Isak ma Jakob. Aôm kôtôc lêmam kêpi aôm taôm ma kôsôm gêdêñ êsêac gebe ‘Aê gabe jakêñ nê m wakuc têtú taêsam têtôm utitalata umbonñ ñalabuña, ma gamêñ samob, tañ gajac mata gêdêñ amac nañ, aê gabe jakêñ êndêñ nê m wakuc êtu êsêacnêñ nomlênsêm endenñ tôngeñ.’” ¹⁴ Amboac tonañ tec

Apômtau gêjam nê ñalêlôm ôkwi ma gêgôm sec, tañ gebe êñgôm êndên nê lau nañ atom.

¹⁵ Go Mose kêkac tau ôkwi ma kêsêp anja lôc gêja. En kêkôc biñsu ñapoc tapa luagêc. Apômtau keto biñ kêsêp poc tapa maken-maken, keto kêsêp ñamaken nêmña to muña kêtôm taugen. ¹⁶ Anôtô tau gêjam poc tapa tonañ ñakôm, ma biñ tau Anôtô keto. En tau kepen ñatalô kêsêp poc tapa. ¹⁷ Gêdên tañ Josua gêñô lau sêjam lasê ñakicsêa nañ, en kêsôm gêdên Mose gebe “Siñ ñakicsêa kêpi anja gamên becña.”

¹⁸ Mago Mose kêsôm gebe “Tonec wê siñ atom, ma ñacjo sêku êsêac tulu ñatañiboa atom amboac tonañgen. Tête wê ñaonda tec ganô.” ¹⁹ En kêdabiñ gamên becña ma gêlic bulimakao ñakatu to lau têtê wê, tec sep tagen Mose têtac ñandan kêsa ma kêbaliñ poc tapa siñ e popoc anja lôc ñalabu. ²⁰ Ma en kêkôc bulimakao ñakatu, tañ êsêac sêmasañ nañ, ma kêkên ja gen to kêlêsim popoc, go kêpalip ñataê kêsêp bu ma kêkên gêdên lau Israel sênôm.

²¹ Go Mose kêsôm gêdên Aron gebe “Lau tonañ sêgôm asagen gêdên aôm, tec gôgôm êsêac sêwê kain sec kapôên amboac tonañ.” ²² Aron kêsôm gebe “O ñatau, têmtac ñandan êsa atom. Aôm taôm kôjala gebe lau tonañ taên gêjam secgen. ²³ Êsêac sêsôm gêdên aê gebe ‘Ajôc, ômansañ ma anôtô ten, gebe êsêlên êmun aêac nañ. Aêac ajam kauc asagen gêgôm Mose, ñac tau, tañ gêwê aêac anja Aiguptu amên nañ.’ ²⁴ Ma aê kasôm gêdên êsêac gebe ‘Lau samob, tañ nên gold gêc nañ, sêkôc su.’ Tec êsêac sêkên gêdên aê, ma aê kabaliñ kêpi ja gêja ma bulimakao ñakatu tonañ mênkêsa.”

²⁵ Mose gêlic gebe lau têtû meloc ma sesen

ņagôliņ su, gebe Aron gêlôc sa, gebe sêsa lêņ amboac tonañ e nêņ ņacjo sêmajec êsêac, ²⁶ tec eņ jakêkô gamêņ becņa ņasacgêdô ma gêmôêc gebe “Asa lau sêsap Apômtau tôņ. Asa andêņ aê amêņ.” Ma Lewinê wakuc samob sêkac sa dêdêņ Mose sêja. ²⁷ Ma eņ kêsôm gêdêņ êsêac gebe “Apômtau, Israelnêņ Anôtô, nê biņ tau tonec gebe Amac samob ajandiņ ômbiņkap tosiņ, go asêlêņ ana-amêņ-ana-amêņ aņga gamêņ becņa ņasacgêdô ņasawa ma anac nêm lasitêwai to nêm lau ôlim andañ ma lau wacbaņ amacņa êndu.” ²⁸ Lewinê wakuc sêgôm kêtôm Mosenê biņ kêjatu êsêac. Ma gêdêņ bêc tonañ lau amboac 3,000 sêjaņa. ²⁹ Ma Mose kêsôm gebe” Ocsalô tonec amac akêņ latômi to nêm lasitêwai sêjô mec dabuņwagaņa gebe anam sakiņ Apômtau, gebe eņ ênam mec amac êndêņ bêc tonec.”

³⁰ ņagelen Mose kêsôm gêdêņ lau gebe “Amac agôm sec kapôêņ. Galoc aê gabe japi jandêņ Apômtau jana. Moae jatôm gebe jaê wama eņ, gebe êsuc nêm sec ôkwi.” ³¹ Amboac tonañ Mose gêmu gêdêņ Apômtau gêja ma kêsôm gebe “Ojae, lau tonañ sêgôm sec kapôêņanô. Êsêac sêmasañ nêņ anôtô jaba ņa gold. ³² Mago galoc aê jatenj aôm, gebe ôsuc êsêacnêņ sec ôkwi. Embe masi, go jatenj aôm, gebe onseņ ņoc ņaê aņga nêm buku, taņ koto naņ, su.” ³³ Apômtau gêjô Mose awa gebe” Lau samob, taņ sêgôm sec gêdêņ aê naņ, oc jansenj êsêacnêņ ņaê aņga ņoc buku su. ³⁴ Galoc ôna ma ôwê lau sêna gamêņ, taņ kasôm ņabiņ gêdêņ aôm naņ. Ôlic acgom, ņoc aņela êsêlêņ êmuņ aôm. Mago êndêņ ņanoc janac êsêac kêsiņa, oc jakêņ ņagêjô êjô nêņ sec.”

³⁵ Ma Apômtau kékêñ gêmac sec teñ gêdêñ lau kêtú teten mec gêdêñ bulimakao ñalatu, tañ Aron kêmasaan nañ.

33

Jatu sêwi gamêñ sinña

¹ Go Apômtau kêsôm gêdêñ Mose gebe” Ôndi, ôwi gamêñ tonec sin, aôm to lau, tañ gôwê êsêac sêsa anña gamêñ Aiguptuña sêmêñ nañ. Asêlêñ e aô lasê gamêñ, tañ katôc lemoc gêdêñ Abraham agêc Isak ma Jakob ma kasôm gebe ‘Aê gabe jakêñ nom tonec êndêñ nêw wakuc.’ ² Aê gabe jasakiñ ñoc anña teñ êsêlêñ êmuñ aôm ma jajanda lau Kanaan to Amor ma lau Het to Peres ma lau Hib to Jebus gebe sêwi gamêñ tau sin. ³ Api gamêñ, tañ su to lêp keselen nañ. Mago aê tauc japi jawiñ amac atom. Embe jawiñ amac, oc moae jansen amac su anña intêna anaña, gebe amac lau gêsômtêkwa ñatoñ.”

⁴ Gêdêñ tañ lau sêñô biñ ñawapac tonan nañ, êsêac têtan lasê ma ñac teñ gêjam gêlôñ tau atom, ⁵ gebe Apômtau kêsôm gêdêñ Mose gebe “Ôsôm êndêñ lau Israel gebe ‘Amac lau gêsômtêkwa ñatoñ. Aê embe japi jawiñ amac êndêñ ñasawa dambêgen oc janac amac eb tagen anaña. Amboac tonan akôc nêw gêlôñ su, ec jajala gebe aê jañgôm amac amboac ondoc.’” ⁶ Amboac tonan lau Israel sêkôc nêñ gêlôñ su anña lôc Horeb ma sêsêlêñ ñaômagen.

Becobo sêkac saña

⁷ Ma Mose kêkôc becobo elêmê ma gê bec tau kêkô jaêc gamêñ, tañ bec ñagêdô kêkô nañ. En kêsam becobo tau gebe Becobo takac saña. Lau teñ

embe sensom Apômtau, go sêsa sêna becobo sêkac tauņ saņa, taņ kêkô jaêc gamêņ, taņ bec ņagêdô kêkô naņ. ⁸ Elêmê embe Mose êsa êndêņ becobo tau êna, go lau samob sêndi sa sêkô nêņ bec ņakatom ma materņ êndiņ Mose ņapaņ e êsô becobo ņalêlôm êna. ⁹ Mose embe êsô becobo ņalêlôm êna su, go tao majañ êsêp êmêņ êkô becobo tau ņasacgêdô. Ma Apômtau ênam biņgalôm êwiņ Mose. ¹⁰ Lau embe sêlic tao majañ êsêp êmêņ êkô becobo tau ņasacgêdô, go samob sêndi ma tetenј mec êndêņ Apômtau aņga nêņ bec ņasacgêdô êndêņ-êndêņgeņ. ¹¹ Amboac tonañ Apômtau gêjam biņgalôm gêwiņ Mose agêc laņoņanô gêdêņ tauņ amboac ņac teņ, taņ gêjam biņgalôm gêwiņ nê ņac ôli andañ eņņa. Ma gêdêņ taņ Mose gêmu gêja gamêņ, taņ becobo ņagêdô kêkô naņ, nê sakiņwaga gêwi becobo tau siņ atom. ņac wakuc tau Nun latu Josua.

Apômtau gêjac mata gebe êmoa êwiņ lau

¹² Go Mose kêsôm gêdêņ Apômtau gebe “Ôlic acgom, aôm taôm kôsôm gêdêņ aê gebe ‘Ôwê lau tonec sêpi sêna.’ Mago aôm kôsam ņac, taņ gobe ôsakiņ êwiņ aê naņ, nê ņaê lasê gêdêņ aê atom. Mago aôm kôsôm gebe ‘Aê kajala aômnêm ņaê ma aôm gôjac matocanô ņajam. ¹³ Amboac tonañ galoc aê jateņ aôm gebe aê embe janac matamanô ņajam, go ôtôc nêm intêna êndêņ aê e jajala aôm êtu tôņ ma janac matamanô ņajam. Ma taêm ênam tonec êwiņ gebe lau-m tonec têtu aômnêm laugac.” ¹⁴ Ma Apômtau kêsôm gebe “Aê tauc oc jasêlêņ jawiņ aôm ma jakêņ aôm ôlêwaņ taôm.” ¹⁵ Ma Mose kêsôm gêdêņ eņ gebe “Aôm taôm embe ôsêlêņ ôwiņ aêac atom, go ôsakiņ aêac awi gamêņ tonec siņ ma api

ana atom. ¹⁶ Aôm embe ôsêlêñ ôwiñ aêac atom, go ajala amboac ondoc gebe aê to ñoc lau ajac aôm matamanô ñajam. Aôm embe ôsêlêñ ôwiñ aêac, go êwaka aê to nêñ lau sa êndêñ lau nomña ñagêdô samob.”

¹⁷ Ma Apômtau kêsôm gêdêñ Mose gebe “Bin tecenan, tañ aôm kôsôm nan, aê oc jañgôm ñanô êsa, gebe aôm gôjac aê matocanô ñajam ma aê kajala aômñêm ñaê sugac.” ¹⁸ Mose kêsôm gebe “Aê jaten aôm gebe oc nêñ ñawasi lasê êndêñ aê.” ¹⁹ Ma Apômtau kêsôm gebe “Aê gabe jakêñ ñoc ñawasi êô lasê aôm lañômñêmña ma jasôm ñoc ñaê lasê êndêñ aôm ôñô. Ñoc ñaê gebe Apômtau. Ma oc jamoasin ñac, tañ gabe jamoasin en nan, to taêc walô ñac, tañ gabe taêc walô en nan.” ²⁰ Ma kêsôm ten gebe “Mago aôm ôtôm gebe ôlic aê lañôcanô atom, gebe ñac, tañ êlic aê nan, oc êmoa mata jali atom.” ²¹ Ma Apômtau kêsôm gebe “Ôlic acgom, ñasawa ten tec gêc kêdabin aê. Ôpi mênjôkô poc kapôên ñaô. ²² Ma êndêñ aôm ôkô poc ñasawa ma jañgandê aôm auc ña lemoc e jaôc lêlêc aôm su acgom, ²³ go jakôc lemoc su e ôlic dêmôêctêkwa, mago ôlic lañôcanô atom.”

34

Poc tapa kêtû luagêcña

¹ Go Apômtau kêsôm gêdêñ Mose gebe “Ôpa poc tapa luagêc êtôm ñamataña, go jato bin, tañ kato kêsêp poc tapa ñamataña, tê kôtuc popoc nê, êsêp poc tapa tonec amboac tonanjen. ² Ômansañ taôm êndêñ elen bêbêcgen. Ma elen bêbêcgen ôpi lôc Sinai ômôên ma ôtôc taôm êndêñ aê anga lôc tau ñatêpôê. ³ Ñac ten êpi êwiñ aôm atom

ma tenj êmoa lôc ñagala atom. Domba to buli-makao sêniñ gêgwanj sêmoa lôc ñagala atom amboac tonanjen.”⁴ Amboac tonanjen Mose kêpa poc tapa luagêc kêtôm poc tapa ñamataña. Ma gêdênj bêbêc kanucgenj enj gêdi jakêpi lôc Sinai kêtôm Apômtau kêjatu enj, ma kêkôc poc tapa luagêc gêwiñ.⁵ Ma Apômtau kêsêp gêmênj gêmoa tao ñalêlôm e kêkô jabanjen Mose. Ma Mose awa gêjac Apômtaunê ñaê.⁶ Go Apômtau jakêlêlêc enj gêja ma gêmôêc gebe “Apômtau, Apômtau, enj Anôtô, moasiñ to taê walô ñatau, enj têtac ñandanjen sebenjen atom. Enj ñac tolêlôm têtac gêwiñ ñamalacña to ñac biññanônja.”⁷ Enj têtac gêwiñ lau 1,000 to 1,000 to kêsuc êsêacnênj geo to sêgêli biñña ma sec ôkwi. Mago enj kêmetôtac lau geo amboac tonanjen ma kêkênjen tamenjen sêgêli biñjen ñagêjô kêpi latunjen to dêbuñjen ma abenjen to nêñ gôlôac.”⁸ Go Mose gewec sebenjen to ketenjen mec gêdênjen Apômtau⁹ ma kêsôm gebe “O Apômtau, aê embe janac aôm matamanônjen ñajam, go jatenjen ñoc Apômtau aôm, gebe ôsêlênjen ômoa aêac ñalêlôm ôwiñ. Biññanônjen, êsêac lau gêsuntêkwa ñatonjen, mago ôsuc aêac agêli biñjen to ma sec ôkwi ma ôkôc aêac sa atu nêmen gênjen.”

Poac ñakôninjen

¹⁰ Ma Apômtau kêsôm gebe “Ôlic acgom, aê jamoatiñjen poac tenjen. Aê oc janğôm gênjalô nêmen lau samob sêlic. Gênjalô amboac tonec kêsa anjen nom ñagamênjen to anjen lau-m tenjen atomanônjen. Ma lau samob, tanjen sêwiñjen aôm nanjen, oc sêlic gênjen, tanjen Apômtau ênğôm nanjen. Ma gênjen, tanjen gabe janğôm êndênjen aôm nanjen, gênjsêga kaiñjen tenjen.

¹¹ “Ojop biñjen, tec galoc jajatu aôm nec. Ôlic acgom, aê jajanda lau Amor to Kanaan ma lau Het

to Peres ma lau Hib to Jebus sêc sêna. ¹² Ôlic taôm gebe ômoatiŋ poac ôwiŋ lau, taŋ sêŋgôm gamêŋ aôm ô lasêŋa naŋ atom. Embe ôŋgôm, go êtu nêŋ lakô. ¹³ Ônsêlô êsêacnêŋ altar su to ôsap nêŋ alê poc tulu ma ôtuc nêŋ anôtônê ŋakatu popoc. ¹⁴ Aôm oteŋ mec êndêŋ anôtô jaba teŋ atom, gebe Apômtau eŋ Anôtô, taŋ gêjam lêmuŋ nê lau gebe têntac êwiŋ eŋ taugen naŋ. Ênê ŋaê gebe Aê gajob ŋoc lau têntac gêwiŋ aêŋa. ¹⁵ Ôlic taôm, gebe ômoatiŋ poac ôwiŋ lau gamêŋ tônêŋa atom. Êsêac embe sêŋgôm mockaiŋŋa êndêŋ nêŋ anôtô to sêkêŋ da êndêŋ nêŋ anôtô, oc moae sêkalem aôm gebe ôniŋ da ôwiŋ êsêac, ¹⁶ ma aôm oc moae ôjaliŋ nêŋ latuŋio sa gebe sênam latômi. Ma êsêac latuŋio embe sêŋgôm mockaiŋo êndêŋ nêŋ anôtô, oc sêlêtôm aôm latômi gebe sêŋgôm mockaiŋ êndêŋ êsêacnêŋ anôtô amboac tonanŋeŋ.

¹⁷ “Ôpac ki êwê ma ômansaŋ anôtô jaba atom.

¹⁸ “Ôlic Om Polom ŋalucŋa ŋapep. Êndêŋ bêc 7 aôm ôniŋ polom ŋaluc êtôm kajatu aôm naŋ. Ôniŋ êndêŋ ŋanoc. taŋ kakêŋ gêdêŋ aôm naŋ, êndêŋ ajôm Abib, gebe gêdêŋ ajôm Abib tau tonan aôm gôwi Aiguptu siŋ. ¹⁹ ŋamêc samob têtû aêŋoc gêŋ, aôm nêŋm bôc kapoac ŋamêc samob, nêŋ bulimakao to domba kapoac ŋamêc. ²⁰ Donki ŋamêc, naŋ ônac da ŋa domba ŋalatu. Embe ondec gebe ônac da gêŋ tau atom, go ôpôm gêsutêkwa tulu. Ma ônac da nêŋ latômi ŋamêc samob. Ma ŋac teŋ êo lasê aê tolêma sawa atom.

²¹ “Ônam kôm êndêŋ bêc 6, mago êndêŋ bêc êtu 7ŋa ôlêwaŋ taôm. Ôlêwaŋ taôm êndêŋ bêc tonan êndêŋ têm ôkac nom ôkwiŋa ma êndêŋ têm ojon

kômñanô saña amboac tonanğen. ²² Aôm ôlic Om Wokenja êndênj noc ôniñ gênj lasêña. Ma êndênj jala ñabêc ñamuña aôm ôlic Om Ojonj Kômñanô saña. ²³ Nêm ñacwaga samob sêô lasê sêkô aê Apômtau Anôtô, tañ katu Israelnêj Anôtô nañ, lañôcnêmña êtu dim têlêac êtôm jalagenj. ²⁴ Aê oc jajanda lau tomôkê-tomôkê sêc su ma aê jañgôm nêm gamênj esewec êtu kapôênj. Ma êndênj tañ ôpi ôna ô lasê ôkô aê Apômtau, aômñêm Anôtô, lañôcnêmña êtu dim têlêac êtôm jalagenj nañ, ñac teñ oc êjañgo nêm gamênj su atom.

²⁵ “Ôkênj polom tojist êwiñ daja ñadec atom. Ma Om Pasa ñada ñagêdô ênêc e eleñña atom. ²⁶ Ôkôc nêm kôm ñamêc ñajamanô tau ôndênj aê Apômtau, aômñêm Anôtô, ñoc andu ôna. Ono domba ñalatu ña tênanê su atom.” ²⁷ Ma Apômtau kêsôm gêdênj Mose gebe “Oto biñ tonañ sa gebe biñ tonañ kêtü poac, tañ kamoatiñ gêdênj aôm to Israel nañ, ñagôliñ.” ²⁸ Ma Mose gêmoa gêwiñ Apômtau gelenña 40 ma gêbêcauc 40. Eñ geñ mo atom to gênôm bu atom. Ma eñ keto poac ñabiñ kêsêp poc tapa, eñ keto biñsu lemeñ lu.

Mose kêsêp anğa lôc gêmênj

²⁹ Gêdênj tañ Mose kêsêp anğa lôc Sinai gêmênj nañ, eñ kêkôc biñsu ñapoc tapa luagêc. Ma gêdênj tañ eñ kêsêp anğa lôc gêmênj nañ, kêjala tau gebe lañôanô ñawasi kainj teñ nec atom. Eñ lañôanô ñawasi kainj teñ tonañ ñam gebe eñ gêjam biñgalôm gêwiñ Apômtau. ³⁰ Gêdênj tañ Aron to lau Israel samob sêlic Mose nañ, tec sêlic lañôanô ñawasi kainj teñ ma têtêc gebe nasêndambiñ eñ atom. ³¹ Mago

Mose kêkalem êsêac, tec Aron to gôlôacnêj laumata samob sêmu dêdêj en sêja, ma Mose gêjam biñgalôm gêwiñ êsêac. ³² Tonaj su, go lau Israel samob têtû gasuc en ma en kêkêj biñsu samob, taj Apômtau kêsôm gêdêj en aña lôc Sinai naj, gêdêj êsêac. ³³ Mose kêsôm biñ gêdêj êsêac su, go kêkêj obo lala tej gêsaj lañôanô auc ³⁴ Kêtôm têm samob, taj Mose kêsô bec gêdêj Apômtau gêja gebe ênam biñgalôm êwiñ en naj, en kêkac obo lala su e gêmu kêsa kêtiam. Ma gêdêj taj kêsa gêmêj naj, en gêjac miñ biñ, taj Apômtau kêjatu naj, gêdêj lau Israel. ³⁵ Ma lau Israel sêlic Mose lañôanô gebe ñawasi kain tej. Go Mose gêsaj lañôanô auc ña obo lala ñapan e gêmu kêsô gêja kêtiam gebe ênam biñgalôm êwiñ Apômtau.

35

35:1–40:16 Lau Israel sêkêj nêj da gebe sêkwê Lômbec sa ma sêmansaj Lômbec ñagêñlêlôm. Kôm tau kêsêlêj kêtôm Anôtô kêjatu gêdêj Mose gebe sêkwê Lômbec tau sa ma sênac kawî.

40

Sêkwê lômbec sa

¹⁷ Gêdêj jala kêtû luagêcña ñaajôn ñamataña ñabêc ñamataña êsêac sêkwê lômbec tau sa. ¹⁸ Mose kêkwê lômbec sa. En kêkêj nombaj to kêmasaj sagintêkwa ma kêkêj buden gêsac ñaô ma kêkwê alê ñalêlômña. ¹⁹ Go gê obo kêpi lômbec tau ma kêmasaj obo tej gêsac ñaô kêtû salôm, kêtôm Apômtau kêjatu en. ²⁰ Go Mose kêkôc poc tapa ma kêkêj kêsêp katapa poacña. Su, go kêmasaj katapa ñata ma kêkêj ñagadê gêsac katapa tau ñaô. ²¹ Ma en kêkôc katapa

kêsô lômbec gêja ma kêkêñ obo baliñ geñkaleñ gêsañ katapa poacña auc, kêtôm Apômtau kêjatu eñ.

²² Go ketoc tebo kêkô bec sêkac taun saña. Tebo tau kêkô obo baliñ nêmña kêkanôñ gamêñ gêmu kêpiña, ²³ ma kêdênañ polom, tañ sêkêñ gêdêñ Apômtau kêtû da nañ, gêsac tebo ñaô, kêtôm Apômtau kêjatu eñ. ²⁴ Ma eñ ketoc jakaiñ kêkô bec sêkac taun saña ñalêlôm, kêkô tebo ñamakeñ kêkanôñ lômbec ñagamêñ gêmu kêsêpña, ²⁵ go kêkêñ ja ñalêsi kêkô Apômtau lañônêmña, kêtôm Apômtau kêjatu eñ. ²⁶ Go ketoc altar gold kêkô obo baliñ ñalêlôm aña bec sêkac taun saña tau. ²⁷ Go kêkêñ ja geñ gêñ ñamalu, tañ gêsac altar ñaô nañ, kêtôm Apômtau kêjatu eñ. ²⁸ Go kêkêñ obo baliñ geñkaleñ lômbec ñasacgêdô. ²⁹ Ma ketoc altar dajaña kêkô bec sêkac taun saña tau ñakatam nêmña ma kêkêñ daja to da gêñ kêpuc ñamalac ôliñ tônia gêsac ñaô, kêtôm Apômtau kêjatu eñ. ³⁰ Go ketoc laclu kapôêñ kêkô bec sêkac taun saña to altar ñasawa ma kêkêñ bu kêsêp êtu sêkwasiñ lemeñ to eñkaiñ ña bu tau tonañ. ³¹ Mose ma Aron to latui sêkwasiñ lemeñ to eñkaiñ ña bu tau tonañ. ³² Kêtôm têm samob, tañ êsêac sêsô bec sêkac taun saña to sêndambiñ altarna nañ, sêkwasiñ taun, kêtôm Apômtau kêjatu Mose. ³³ Ma eñ gêjac balañ malacluñ to lômbec ma altar auc ma kêkêñ obo geñkaleñ malacluñ ñasacgêdô amboac tonañ. Tec Mose gêjac dabiñ nê kôm tau.

Tao gêsañ lômbec auc

³⁴ Go tao gêsañ bec sêkac taun saña auc ma Apômtaunê ñawasi gêjam lômbec ñalêlôm auc. ³⁵ Ma Mose kêtôm gebe êsô bec sêkac taun saña êna atom, gebe tao kêkôm auc ma Apômtaunê ñawasi gêjam

lômbec ñalêlôm auc. ³⁶ Kêtom têm samob, tañ lau Israel sêsêlêñ sêmoa intêna nañ, tao embe êôñ sa aña lômbec, go êsêac sêndi ma sêsêlêñ. ³⁷ Mago tao embe êôñ sa atom, go sêndi sêsêlêñ atom, sêôñ e tao êôñ sa acgom. ³⁸ Kêtom têm samob, tañ lau Israel sêsêlêñ sêmoa intêna nañ, Apômtaunê tao kêkôm lômbec auc gêdêñ gelenña, ma ja gêjam tao auc gêdêñ gêbêc. Israelnêñ gôlôac samob sêlic.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb